

光緒順天府志

人物志十三

光緒順天府志一百三

先賢十三

黃岡洪良品纂江陰繆荃孫覆輯

國朝

崔升

吳邦慶

劉弼

盧坤

田士魁

林天培

白鎔

徐松

沈道寬

楊承淇

崔偲

孟友龍

駱六

煤黑子

李鍾

高繼疇

劉毓崑

康懋敷

甯鴻音

李齒

劉源灝

弟源楷

王錫朋

徐有壬

李光涵 徐大熱 李如珪

李嘉端

崔侗

李右文

子傑

李載文

張中寅

王萬齡

趙儒

王應泰

高靜

王繼庭

侯邦典

俞奎垣

任式坊

朱文錦

張耀

俞昌烈

苑梅

劉潛

李兆發

韓燿

史維基

葉福棠

張耀崙

李文才

高福

吳士達

沈桂芬

桑春榮

蔡兆極

紀汝彝

李廣發

康奎

王大

魏繼雲

芮嘉瑣

楊玉

新邊

宋印奇

劉潭

焦壽

李汝華

王慎德

馮新第

王廷

國華

張鎮田

邢澄

陳鉉

劉餘澤

岳毓粹

劉新第

王

直政

杜恭

王璽

崔體忠

蘭從哲

王照乘

馬呈瑞

楊

國朝

彭德元 孟玉聲 趙承烈 王國令 劉之權 張玉 康秦來 張大中 李啓遠 劉連柱 王志勤 趙陞 李慶昇 韓毅 劉淑 李如瑾 楊毓文 文學 任毓麟 林雲漢 李遇春 李如瑾 侯善 段培 王敏學 吳國棟 張某 吳繼述 侯善 田錫華 孫冠賢 任奎英 張某 鄧日燧 李其 馬自誠 崔文麟 馬煥 常懷禮 鄧日燧 王際盛 侯寅祿 黃九錫 王純 張奇 邵聯榜 于際盛 汪慈湖 劉舉 柴葵 胡清 王威 李思聰 史澤遠 柴游洙 隨宗印 孫廷培 張體乾 張審 史澤遠 張仲金 梁問孟 趙鎮 張以智 宋一貫 何鈞 傅邁通 雷應禹 劉召望 王永蔚 周之俊 陳正心 陳可嘉 魏思明 王光祖 劉光奔 胡璉 陳正心 國棟 楊琰 楊琰 劉光奔 胡璉 陳正心 徐文翰 劉聖 馬成龍 趙植 趙武 羅錦 陶叔 高

崔升京師民嘉慶元年七月偕妻陳氏至杭州投親不遇無所得  
食同縊於西壁坊客寓錢塘縣令蔣重耀爲葬於萬松嶺側且作  
判辭其略云共處太平何至謀生無轉計良由狷介願甘駢首不

求人雖匹夫匹婦之自經愚誠可憫然同死同生之大節理實無虧用特捐廉卽爲搆地掩茲雙骼遂其夫潔而婦貞錫以一坏庶幾行成而名立仁和周南鄭茂才三變爲賦雙烈行有云生則異鄉死同穴一貧致死長鬱結一死守貧真決絕錢塘江水表汝潔嶺上萬松表汝節殉名殉夫總一轍士與女兮視雙烈後士人於其墓傍立祠祀之大著靈應禱祀不絕

冷虛雜識同

吳邦慶號齊峰霸州人成童而孤母孟督之嚴由乾隆五十四年拔貢官昌黎訓導六十年舉人嘉慶元年進士改庶吉士授編修尋擢御史言軍機章京宜令大員子弟迴避以嚴樞密遂著爲令十四年巡漕濟甯奏請重浚運河並請復山東春兌春開舊制以杜州縣折收虛兌之弊而蘇丁船守東沿河民夫派巡之累十六年東河水淺滯運議先閉分水口迤北之柳林閘使水南下俟挽

船過分水口卽閉遮南之寺前開托水北趨而開柳林開放船順  
流以出如其言漕得速達十九年擢鴻臚寺少卿偕內閣學士穆  
□督通永道張五緯濬北運河事竣授內閣侍讀學士二十年授  
山西布政使旋調河南布政使河南常平倉數久缺飭屬補之又  
通省地丁三百餘萬皆由胥役催納民之全完者胥役輒蝕其半  
以爲民欠或先期墊交而倍取償於民民欠日多而力益困邦慶  
諭民自納有胥役包納及多索者許其首告於是輸將踴躍積三  
年賦無逋者二十三年擢湖南巡撫次年調福建巡撫未至閩授  
刑部侍郎遂次

命往河南查馬營壩大工二十五年授安徽巡撫時河南蘭儀漫  
口未合黃水由亳挾渦以注於淮洪湖汎溢浸連鳳潁乃與南河  
總督黎世序商放湖水以洩盛漲而親往災區賑撫未幾以審案

被議落職奉

旨賞給編修道光三年請假修墓是年雨潦盛積經流支川皆成水患直隸則盜陽自磁州北至大陸貫二泊會滹沱以入南運河而正定宣化古北口關內外諸水或入清河或入永定或入北運河皆與南運河匯於天津以趨一綫之海河下流壅而上流益潰聖天子軫念郊圻

特詔大員疏通河道並將修復雍正初年畿輔水利邦慶遂著畿

輔水利叢書

姚元之吳公墓志銘

書自序云

本朝定制於經流則設總河及河道以司修防而塘堰圩圍則府州縣佐皆兼水利之銜以董之

世宗憲皇帝時因興修直隸水田特設營田水利並設觀察副使諸官各揚其職觀建官之制而斯事之各爲一局也竊欲分水學

爲二如防江之垸禦海之塘黃河隄埽及他廣川洪流之分合通塞曰河道直隸之淀泊丹陽之圩園吳越之澳港關中六輔龍骨陳頴鴻御鉗盧其設閘建壩撩淺留泥諸法曰水利各採專門諸書以附之庶成規犁然往復講習可資世用以合於湖州學治事齋之遺法

畿輔河道水利叢書序

其序明徐貞明潞水客談云天下之水未

收其利須先去其患水利在灌溉而患在衝決淹浸故興水利者留水以爲用而除水患者則排之而使去也事雖殊塗而功歸一致特施工分先後緩急耳有明一代言水利於畿輔者頗有人而賁溪徐儒東先生之潞水客談爲最著至所謂致力當先於水之源源分則流微而易御田漸成則水漸殺水無泛濫之虞田無衝激之患是興水利即可除水患此論祇可施於尋常湖蕩山泉小水若畿輔諸大川不能以此說施當別有疏濬之法在

潞水客談序又



跋陳學士儀直隸河渠志云欲治河莫如先擴遠海之口欲擴海口莫如先減入口之水尙可謂片言居要是以南北運各設減河皆所以減入口之水也然此止以減南北運之水耳七十二清河之匯於東淀滹沱滏陽大陸甯晉二泊之匯於子牙河專以三岔河一綫爲尾閘獨無法以減之乎何公之未嘗言及此也豈當時淀泊尙不似今日之淤淺止此已足分其勢而暢其流耶

直隸河渠志跋

又跋陳學士文鈔云公居文安城而祖居則在東淀旁之西馬頭又自登賢書後遊於津門者逾二十年計其扁舟往返目睹利病者已久一旦獲佐營田之任遂抒其素蘊以爲設施所謂成竹在胸遂能迎刃而解者故其論擴海口論治淀雖元郭太史明潘印川殆無以易之然於其論永定河及文安河道事宜不能無疑焉其於永定河謂宜引之南下東以隄防於河淀皆無淤墊之害夫

濁性之水流緩則沙停槽寬則溜緩永定從前之不能淤塞河淀者以任其東西蕩漾故泥沙皆澄沈於固永之間逮至與清河合流已漸成清流矣今若隄以束之則流急流急則沙泥俱下迨至入淀則勢分溜散有不淤壅者乎若以隄束永定河而南則濁流闕注必致高仰立形竊謂因其故道而變通之仍用其下口入海之路未必無策也至文安爲公桑梓之地東距東定西距五官淀北距清河衆水所臨勢如釜底公之意則甚惜郡丞徐元禹之議不用竊謂保定界立開引水易龍塘灣立開洩水難蓋近日形勢淀身較高於陸地則溝渠之水安能瀉之淀中竊擬文邑宜堅築三面之隄東防東淀南防五官淀北防玉帶河再於保定東擇地開減河一以洩秋汛盛漲一以分瀉圖四由左各莊迤下歸入淀池減河亦宜設立隄堰然後爲圖田於其兩旁借隄爲圍借圖護隄使一圍之內有田三百頃則村

落必有千家吞之暇合力修固秋水盛同心防範滅河之旁或爲  
涵洞或爲引渠旱則分潤潦則閉關不惟陽侯不能爲災卽旱魃  
無由肆虐矣

陳學士  
文鈔跋

其言皆通達事理盡然有裨於實用蓋邦慶

家玉帶會同河之間少時嘗究心於畿輔水利洎通籍往來淮徐  
楚豫之地觀於江淮河湖清濁交匯而得其蓄洩箝制疏引灌溉  
之法復稽往籍求今昔之異與易地而可以相師同事而不能相  
襲或功本可成以持論未善而爲浮議所撓或效已漸收而他事  
方興未旋踵而已廢一切錯綜不齊之故參互融貫務使師古而  
不執因地以爲宜取資博故擇之精發慮審故語之詳其所謀盡  
又皆桑梓素習之處故文成百數十萬言而無一言之不可施於  
用逾年書成思致之當事而未果九年投洗馬十年投少詹事旋  
投貴州按察使越日

命署漕運總督習聞軍船私載津鹽爲淮禍病謂當因所利而利之不可遠禁以法於是指示開導令載他物之可以獲利者而弊遂絕十二年授河東河道總督以山東運河惟恃四百八十四泉爲灌注請復設泉河通判以專責成修防餘閒則率道廳捐資造水車馬營壩北及蔡家樓大窪積水地七千餘畝爲良田十五年以改撥人員被劾仍

賞編修時年已七十遂致仕邦慶官河南布政時嘗延永清朱孝廉雲錦於幕考豫省志乘所載有水田處臚列其泉水旺弱概田多寡之數爲田渠說將檄郡邑墾治以往楚南未及行乃以其說附之畿輔水利集中至是始於河壘數千畝廢地一試其端若著書之志固未之能滿也道光二十八年卒年八十有三

吳公墓誌銘

劉孝子名弼者甯河人父爲人僕同產四人孝子其次也性慤直

寡言笑役於人碌碌無所長嘉慶初父得瘋狂症旋止旋作瀕危者數矣一夕疾大作輾轉牀褥慄慄待斃家人計無所施備喪具以待適孝子負薪歸偵其父已無生理退而自維素聞長老稱說昔人有以割股療親者日既暝入別室卽以薪斧封其左股約斤許囑其妻煮以進而家人不知也父食之疾頓起母若妻始爭詢其肉之所自來百方迴護不肯洩惟日以敗絮縛其創亦不知痛楚旬日間平復如初旣而家人見其癍痕乃漸爲宣播

崔梧劉孝子傳

盧坤字靜之一字厚山涿州人父士夔客山東久坤請父歸士夔曰我以家累遠出非汝通籍吾何有歸期耶坤聞之泣數行下遂力學不輟中乾隆五十九年舉人嘉慶四年進士改庶吉士散館授兵部主事始獲祿仕迎父就養京寓

涿州

志累遷郎中隨園木蘭

校步射

賞戴花翎擢湖南糧儲道

先正事略

丁母艱服闋授廣東惠潮嘉道屬

多會匪有司圖旦夕安率相觀望坤謂會而不匪者眾皆懦弱之

民被脅入會當令自首免罪丁父憂服闋補山東兗沂曹道

涿州續志

成皇帝御極由湖北按察使遷甘肅布政使擢授廣西巡撫調陝

西巡撫時教匪戡定後議者謂南山老林易藪奸不宜壘坤謂此

地唐漢皆開闢金元始荒廢歷舉漢書蜀志唐書宋史證之且舉

漢李翁郁閣頌爲據遂加壓治至今賴焉在陝丁大母憂小祥後

會同疆有軍務

特旨以行衣陞見馳驛往甘肅會總督辦理轉餉事宜時逆回張

格爾據四城精銳屯喀什噶爾滿漢官兵三萬七千有奇會於阿

克蘇轉烏魯木齊糧濟之坤上議曰烏魯木齊距阿克蘇三十二

站官兵以五萬餘人計日需糧五百石有奇每站須置駝五百有

奇共需駝萬有六千關內外臺站又需駝一萬有奇烏魯木齊雇駝七千尙缺二萬餘請刻期購撥出關其內地之銀餉軍火器械卽以此駝運又請以伊犁糧由冰嶺運阿克蘇又議兵馬過沙漠加給草豆添設民夫酌給羊茶諸事凡十一條皆報可大兵自進勦至凱旋共用帑銀千一百餘萬轉輸不竭無虛糜坤之功也服闋補山東巡撫以回疆平加太子少保並戴頭品頂戴調山西廣東江蘇巡撫遷湖廣總督道光十二年湖南逆獠趙金龍作亂坤親往督師密陳湖北提督羅思舉能辦賊時湖南提督海陵阿先以兵五百由甯遠之下壠進勦聖武被獠誘戕副將遊擊等皆戰死新田縣知縣王鼎銘亦死之桂陽常甯諸土獠應賊起眾號數萬先正官兵未設糧臺增調常德水師荆州滿騎皆不習山戰聖武坤至始奏罷之先正而改調鎮守苗疆之兵又以衡州水陸

聖武

坤至

始奏罷之

先正

而改調

鎮守苗疆之兵又以衡州水陸

咽喉而常甯屏蔽衡郡當賊衝祁陽又入衡永捷徑且糧運後路

皆派兵勇禦防桂陽新田嘉禾三州縣

聖武記七

令堅壁清野

先正事略

各

練鄉勇士猶自守以防虜脅

聖武記七

迨湖南湖北兵大集

先正事略

羅思

舉至永州

聖武記七

貴州提督余步雲湖南副將曾勝皆率兵來助勦

先正事略

詔以猶皆山賊踰捷負險恐莫兩粵或盤踞山峒致稽搜捕飭諸

將誘至山外平野之地聚而殲之乃議大兵出新田後路躡賊邊

其南竄與桂陽北路兵夾攻并扼其西通道州零陵祁陽小路於

是三路猶四五百人及婦女二三千爲官兵驅逼出山皆東竄常

甯之洋泉鎮其地爲入山水口有溪通舟市長數里垣牆堅厚

聖武

記七賊悉眾抗拒坤以賊偏歸一路且失其翻山長技密檄各路兵

進偪令圍會大雷雨羅思舉等晝夜督將弁立泥淖中仰擲火彈



火弩延燒民舍數十戶

先正事略

鎮竄兵數十躍牆而上前者傷墜後

隊繼登先後斃賊千餘賊詐降以緩我攻欲乘間竄入山

聖武伴記七

許之攻益急生擒其子女及頭目數百人金龍易服乘間遁爲我

兵所殺獲其尸及劍印木偶餘賊先後就殲

上嘉獎

賞戴雙眼花翎世襲一等輕車都尉方捷書之未上也

上命戶部尙書禧恩盛京將軍瑚松額來視師未至軍先三日奏

捷會廣東逆獠趙仔青糾眾數千入楚界聲言爲趙金龍復仇

先正

事略命羅思舉余步雲馳堵之破賊于錦田之濠江冲禽斬逆首殲

獠五百餘黨瓦解

詔切責廣東將校不如湖南出力

聖武記七

而廣東連山黃瓜寨排獠

復煽亂官兵初失利禧恩奉

命率曾勝往勦平之而調坤總督兩廣辦善後事宜

先正事略

先是連

山猺與金龍先後起事底定後俘囚尙數百人抵粵任委宛活之

承州續志

時猺匪新定坤編查戶口設猺長猺目漢民村寨設練總改

殺猺同知爲邊要缺教職佐雜改邊俸皆報可未幾越南奸民陳加海與內地游民馮生丁等在夷洋狗頭山嘯聚偷入內洋坤遣官兵擊沈其八船餘寇悉平西洋暎咭喇來粵貿易夷目嘒嘒暎達法度坤照例封船停其市易嘒嘒暎遣護貨兵船自外洋關入虎口我兵礮擊之輒以礮拒駛至黃浦奉

嚴旨督辦坤檄鎮將用大船載石橫沈水底復用大木筏塞水面多設營備斷其入省之路其後路在老洲岡復遣將并用大石船遏其歸復備草船火攻具脅之沿海部署皆精整禁商民無許接濟夷船於是嘒嘒暎諸夷窮蹙求給牌出口詞甚恭澳門夷商伽

律哈等助之請命坤固持之良久乃令出虎門奏入

宣宗手敕曰玩則德之服則舍之尙合機宜不失國體也十五年

卒年六十有四

先正  
事略

贈太子太師諡敏肅

龔自珍盧  
公神道碑

諭賜祭葬如例

先正  
事略

田士燧固安人十歲失怙號痛幾絕母慰之曰兒不吾慮耶哭乃  
止自是每號泣不敢令母知也家貧力耕奉母母病篤刺臂血和  
藥進病頓瘳逾年母卒哀毀三年未嘗有笑容幼未讀書粗習古  
人詩句於父忌日感賦有云生時未及養祭物何堪獻晨昏莫報  
恩永作終天恨蓋天性語也邑令給匾旌之

固安  
陳志

林天培字仲因大興人嘉慶四年進士

畿輔詩傳  
五十五

改庶吉士以兵

部郎出爲惠潮道潮俗喜械鬪明示例禁復招紳耆令其轉相勸

諭聞風少戢是時盜匪聯鯨海面魚鹽各船被虜者輸其米石求  
脫且得原值制府檄令沿海關隘嚴察諸船出海約計人口時日  
毋得多齎糧天培曰絕盜口糧其法固善恐不得食則勢將內撲  
防禦未集民受其殃矣乃親歷沿海諸地修墩墩練軍實於要害  
處添設礮臺營汛兵弁爲防堵計遂以積勞卒初天培嘗請調撥  
師船數十號停泊放雞洋旣可爲南澳聲援亦可絕閩粵盜艘之  
會哨其言卒不見用未幾福建提督李長庚追勦蔡牽至黑水洋  
而將成擒粵盜適會哨益其勢而長庚反隕命焉潮人多天培有  
先爭之明立祠海濱祀之

廣東通志

子寅補湖北漢陽通判殉粵寇難

鄂城表忠詩序

白銓字小山通州人嘉慶四年進士改翰林院庶吉士六年散館  
授編修十二年充福建鄉試副考官十七年

大考二等

記名遇缺題奏十八年三月遷右春坊右贊善六月轉左贊善提督安徽學政十二月升中允十九年二月升司經局洗馬翰林院侍講留學政任二十年奏報按試情形得

旨安徽吏治民生亦宜隨時陳奏旋奏安徽省民欠錢糧鳳陽泗州較多該二屬瀕臨湖河每遇黃流漫溢湖水盛漲各州縣多被淹浸請嗣後該處帶徵錢糧遇成熟之年或儘年分最速者或最近者每年祇帶徵一年儘遇歉收再行遞緩

九之二十一年轉侍讀充

日講起居注官二十五年三月充會試同考官升右春坊右庶子擢翰林院侍講學士十月充武會試副考官道光元年轉侍讀學士二年四月升詹事府少詹事提督廣東學政十月擢詹事三年

升內閣學士兼禮部侍郎銜六年充武會試副考官署禮部左侍郎七年擢工部右侍郎兼管錢法堂事務轉吏部右侍郎十年充經筵講官提督江蘇學政十一月

命偕戶部右侍郎寶興抽查南河埽料十一年正月奏言查各廳見儲之料尙無虛懸情弊惟統計到工料埽不過十分之六各廳購料尙未到齊與該河督請撥歲料銀兩勒限年前全數到工之語不符其揚糧廳有埽段繕道等工不用存工防料率將尙未驗收之料用至五十三埽尤屬含混揚河廳舊料九埽大半色黑質朽由購買時貪圖價賤亦屬辦理不善應請俱令照數賠補南河歲料應遵奏定章程令於秋後一律購辦務於年前全數到工上以河南總督張井未能察弊下部嚴議五月擢都察院左都御史命來京供職七月江南高郵湖河漫溢田廬被淹

命鑄同工部尙書朱士彥往勘九月奏勸揚河廳屬掣卸各工宜分新舊段落責令原辦之員賠修又奏江南下河積潦之區已飭地方官給賑惟胥吏串通地保浮開戶口爲向來辦災積弊已令委員覈實各鄉戶口之數於本鄉榜示放賑時卽可憑以覈辦又奏山盱廳屬添建滾水石壩本年啟放時石底被衝裂縫壩下灰土亦多衝損應俟塘水消落責令工員修固堰盱兩廳掣卸石工二百餘丈固限未滿應請責令賠修其前項土堤旣非臨湖與黃河險要隄岸不同向來僅照黃河保固一年限期太寬請嗣後堰盱各廳土隄及運河隄岸均定爲保固三年其運河埽工亦與黃河隄岸不同請於經歷一年後再加保固一年由該管道驗明堅整始准歸汛修防均如所請行三月署翰林院掌院學士

賜崇禁城騎馬十三年升工部尙書充武會試正考官以取中武

舉有置雙好而中單好者降大理寺卿

列傳

國史 銘天性孝友母鄧

夫人素畏雷每夏秋銘與妻劉日夜侍幃榻官詹事時奉

召入對

上曰朕精神日退御事輒煩當作何修養對以清心寡欲莊敬日強

上爲動容給諫劉啟南以直諫護謫銘力爲申解

天顏頓霽奉

命勸江南北水災議拔周文忠天爵林文忠則徐二人得以不次

超擢皆銘力也十九年乞病歸二十二年卒

通州高志

徐松字星伯大興人嘉慶六年舉人十年進士殿試二甲第一改

庶吉士散館授編修十六年放湖南學政因事戍伊犁松博極羣

書尤精地理出關後將軍松筠令撰新疆事略於南北兩路壯遊



殆徧每所之攜開方小冊置指南鍼記其山川曲折下馬錄之至  
郵舍則進僕夫驛卒臺弁通事一一與之講求積之既久繪爲全  
圖乃徧稽舊史方略及案牘之闕地理者筆之爲記又以圖籍所  
紀異文踳駁使夫覽者歎其混淆一以

欽定西域同文志寫之元元本本殫見洽聞

國朝開闢新疆視同畿甸爲千古未有之事松所作亦千古未有  
之書自撰漢西域傳補注西域水道記均極賅博松筠奏進事略  
并敘其勞

特旨赦還道光元年

特用內閣中書轉禮部主事晉郎中

簡陝西榆林府知府未幾卒

采訪冊

沈道寬字栗仲大興人嘉慶九年舉人家貧棄筆游津沽中州嶺

南山左聲稱籍甚二十五年進士以知縣用分發湖南歷任甯鄉  
道州茶陵補鄒縣江華獠人爲亂鄒之龍榨獠生齒最繁他邑率  
由此遷徙古有四姓今則唯盤氏趙氏其分居於桂東南麻者悉  
聽龍榨獠指揮亡何民間訛言大府傳檄凡獠人勿諭良莠盡殺  
無赦於是羣獠持械登山具餼糧與官兵敵時則權桂東令者爲  
何彤文道急足持書至鄒問道寬道寬答曰斯事易了也卽夕命  
健役持諭帖往盤雲遠家雲遠者巨富爲獠之頭人名曰獠管其  
人甚恭順羣獠咸受約束故招之赴中村已則馳往中村待其來  
猶山距城東南百里中村距山之南十里距城亦百里弗徑至猶  
山者恐獠人不察誤以爲官來討我也獠管至中村見道寬道寬  
遣其弟雲鳳往諭南麻並達其狀於桂東雲遠曰洞中人窵勢洵  
洵欲闖雲遠力弱無以制之官爲民之父母愛吾獠與赤子無異

獠之服官非一日已官不鄙棄吾獠惠然命駕而往俾得望見顏色其誰不惟官之言是聽道寬曰吾卽從汝入峒雲遙又曰官宿於峒以示不疑則羣獠無不罷兵者道寬曰可入峒羣獠環跽道左道寬諭之曰爾輩食毛踐土向化歸心已久

朝廷一視同仁撫之字之豈有不教而誅之理繼自今其各安本業勉爲良善慎毋惑於浮言致罹法網羣獠聞言泣數行下弭首帖耳投戈解甲無復有鬪者遂宿於峒明日歸雲遠曰官無憂脫有不靖惟獠管是舉龍權之猶一言定亂而桂東南麻亦皆安堵矣十二年調權耒陽是冬調補桃源十八年以事去官僑寓長沙與湘南人士訂文字交朋詠流連殆無虛日擅詩歌工書畫求者踵門不絕畫不肯輕作書則一糠片紙人得之珍如拱璧咸豐二年長沙戒嚴遂東下僑寓揚州三年揚州陷復徙泰州而卒年八

十二子敦蘭

方清願贈通奉大夫沈公家傳

楊承湛字閔仙同安人家貧力學夕就帳中然燈自課頂爲之墨嘉慶九年舉人十六年成進士以知縣分江蘇卽用補靖江以母憂歸服闋再補靖江調南漕南漕濱海西連申江幹河最要者曰閘港潮汐往來每易淤墊自乾隆四十年疏導後民賴其力歲久復淤宰斯土者憚其費鉅役重旋浚旋塞壬午夏旱江湖不至浸以成災承湛下車親蒞各鄉訪問疾苦周覽形勢知旱澇之備實係於此慨然曰地方首務其在斯乎力請上官籌資興工具錢而出日入而歸徒步數十里賞勤懲惰百弊胥蠲歷五十餘日浚河三千數百丈深廣逾昔而民忘其勞工旣竣梅水盛漲七月初颶風大作民居賴是獲免漂沒於是鄉人怵舞相愛謂楊侯活我設祠祀又私樹碑工次禁之不可戊子再調元和元邑首劇政務殷

繁承湛處之裕如庚寅摧海門同知未赴遭父喪北歸於時去南  
邑數年矣邑人思之愈篤遇誕辰紳士李吟香繪鶴南飛圖賦詩  
庶和哀然成冊承湛和韻有北向哀鴻方戢影南飛孤鶴尙祈年  
之句迄今垂六十年邑人之子若孫若曾孫述其祖若父之言未  
嘗不唏噓而嚮慕也服闋再補海門同知調蘇州府海防同知青  
浦民因漕聚鬪洶洶數千人圍縣署邑令飛文告變大吏護遣員  
彈治羣僚相顧睟眙莫敢應以承湛有德於南滙而青浦其接壤  
也共推以往遂攜兩僕棹小舟行肩輿入城令一僕排眾呼曰撫  
軍委員來歎擁輿不得進問委員爲誰曰楊姓是前宰南滙之楊  
邑侯耶曰然眾謹呼曰楊侯來吾曹事得白相率散去承湛察其  
情爲乞恩而治其倡首者數人皆翁服歷攝川沙同知兩攝常州  
松江知府一攝江甯知府均有惠政卒年六十五

楊聞仙府  
君墓志銘

崔偲字怡庭號茶農霸州人幼聰穎總角時母郝教以唐人詩卽能解其大義及受書攻苦倍恆人誦習至午夜不輟所著瓊筮一夕爲燈火所燃方讀弗覺也母爲補綴之族祖某見而訶之以爲年少好修飾及詢知乃大笑年十九嘉慶九年舉人十三年進士以知縣卽用山西歷任趙城潞城永和臨晉知縣丁憂服闋復選湖南祁陽縣知縣調攸縣知縣前後莅官六任所至以文章飾吏治當潞城之解任也士民赴省籲留大吏爲動容驚歎永和處萬山中僻且陋偲弗鄙夷其民民以牒訴必爲之蒞復勸勉多感泣不克訟而去臨晉頻年苦旱偲禱雨輒應民歌頌之偲曰是胡可恃也境內舊有涑河八十里日久淤塞因相度形勢會商上下游各縣挑濬之使水旱有所蓄洩工訖奏明

記功一次期年內清理積案二千餘以卓異去其莅祁陽也適湖

北大祿流民麇至沿途釋騷偃預爲之所及至則飲食寢處皆有資藉眾咸帖然是歲谷送流民過境也七萬餘人而合邑若無事者道光十二年江華猶煽亂陷東安新田等處盤踞常甯與祁接壤邑人士紛紛議避偃曰賊未至而徒驚是自擾也今之計惟聚鄉團修器械防要隘察奸民協力禦之乃可有濟且民與令異令之家口省垣可以寄居僚友可以付託民去此安之乎令今誓與爾民同生死爾民其聽予言因爲之設方略籌守備一時民情大和隱然有眾志成城之效焉是時調集楚黔兵會剿祁居水陸衝要兵差絡繹日不暇給自正月軍興至八月凱旋逆匪無一人竄入祁境者九月調攸縣以積勞發病卒年五十三

遷葆誠原任湖南攸縣知縣崔

公家傳

孟友龍字霖生霸州布衣性仁厚爲人慷慨好施與幼讀書卽懷

利濟志願家貧不克卒學年稍長卽應辟爲州典吏久之見官吏多蠹民自私者意不合輒去之卽歸躬耕自給兼備書以事親有餘卽分恤於族黨人咸以長者稱之初畿輔州縣凡旗產以事入官者募民耕俾納租於官年旣久吏緣爲奸歲增月益倍斂無常程故租額較重於他賦百姓苦之逋負旣深民多逃亡甚且累及於無辜之民友龍慨然憫之歎曰因農之弊莫甚於此惜朝廷未之知耳友龍乃潛修一疏痛陳其利害摯以入都將發別家人曰余幸生於不諱之朝所言儻蒙採納稍有裨益於國家亦可不負此生矣旣至京師無路上其疏遂投旅舍日懷疏赴酒家飲時都中定親王好微服行民間察得失亦時至酒家與飲數與之言而友龍不知其爲親王也一日把酒累吁憂慮之誠達於面王異之乃引入僻巷問曰爾何事日悶飲於此耶友龍審其人非尋常者



乃拱手言曰某有機密事欲上陳

天子惜無人代奏耳王聞之愕然既而詢何事告之故王遂行而呼之曰來來友龍亟從之及走入邸友龍瞻顧錯愕始知其人乃親王也亟跪拜謝罪弗遑王曰有疏乎獻之王覽疏大悅翌日入朝遂袖其疏代奏焉其疏略曰竊友龍生長草野毫無才能耕田食力分所宜然至於朝政之得失民間之利弊官守言責各有專司友龍上言實爲僭越而友龍不言亦無罪咎且每稽往籍以言獲罪者不可勝數故宋臣蘇軾上神宗書云書成復毀至於再三朱熹劾韓侂胄具疏萬言卜之中止友龍雖愚亦知緘默之可以全身免禍何必越俎妄陳干冒不測然嘗念魯漆室女尙知憂及國君齊無鹽女猶能赴闕言事身爲丈夫毫無建白不惟有愧於古今忠臣義士亦深爲二女所不齒者矣况明臣楊繼盛死於直

諫重爲

世祖章皇帝嘉獎我朝曹錫寶參劾劉全現蒙

皇上追贈以是知言路無終塞之理公道有必伸之時友龍身在官府二十餘年留心於吏治之得失民生之利病目見耳聞知之甚悉深欲以言上非一日矣今幸躬逢

皇上勵精圖治舉錯咸宜

詔求直言樂聞民隱則凡在臣民何忍緘默有負

聖主虛衷延訪勤求治理之至意雖友龍至卑極賤而所進之言則於國於民實有裨益儻蒙采納不特友龍感恩圖報知無不言將見天下賢臣志士必皆聞風而起各進讜言於以興利除弊自不難矣友龍欲言之事所最急者莫如霸州縣官租最爲民累竊以爲朝廷所當亟議以卹農者夫欲知天下之安危須視言路之

通塞欲知民間之苦樂宜察人情之趨避蓋小民雖屬無知而趨利避害人有同情竊見霸州承佃官地之人種之多苦推之甚難每年開徵後爲此致訟者十之八九紛紜擾攘殆無虛日一家佃種官地通欠受累不待言矣而且累及祖宗鄉黨或累及交接產業之家甚且累及於鄉鄰無干之人蓋承佃者自非家業蕩盡積逋甚深不能退佃故身欠官租輒與不欠官租者爲難家無官地不與少有官地者結親其爲害也一至於此語云屈死莫告狀餓死莫作賊誠以作賊者貳裂身名干犯憲典告狀者則蕩時失業破產傾家耳今爲官地官租反日滋訟端鞫鞫不休使貧者無以聊生富者亦難安枕甚非國家重農務積之所宜也伏願

世祖章皇帝聖諭廣訓完錢糧以省催科篇內有云有司迫奏銷之限不得不嚴追比胥役受鞭撻之苦不得不肆誅求剝啄叩門

多方需索無名之費或反浮於應納之數究竟所未完者不能爲  
兩寬貸

聖諭煌煌無須贅訴此貧者之不得聊生也凡貧者呈告富戶使  
其代完逋租其意無非令富者售買其產業接認其官地而一經  
票諭差傳卽難免無名之費如再助納官租接認官地是又多受  
一番苦累否則詞訟無時了結卽或疏財仗義忍氣吞聲俱如其  
願以期息事無奈此家甫完又被彼家呈舉一案未結又有一案  
牽連是以富厚之家勤儉守分不敢妄爲徒以官地官租被人拖  
累連年涉訟妨工誤農日不遑處此富者之不得安枕也其實田  
荒課懸官民交困爲害有難盡言者若不及今變通章程亟爲清  
理竊恐貧者無術致富富者亦難从支輟轉株連同歸於盡窮州  
如此他處可知矣惟是官租之弊委曲多端誠難列諸簡奏伏望

天恩於萬幾之暇俯賜垂問則民間一切疾苦凡友龍所知者必  
能詳陳於陛下也又曰友龍乃區區草野之民未嘗學問亦並無  
言責

朝廷詔求直言亦未曾下及庶人中外文武大臣至於百官眾矣  
友龍自揣何人竟干朝議冒瀆之罪萬死奚辭第念伊古以來政  
事或有闕失大臣或有姦詐人君端處深宮每難遍察周知而在  
下臣工率多容隱自全苟且依順草野黎庶知之雖明而萬里君  
門無由籲訴此所以大臣作姦而墮國是政事不善而毒民生也  
然則言路壅蔽乃姦佞權臣之幸斷非朝廷天下之幸也故堯舜  
置敢諫之鼓使天下得盡其言立誹謗之木使天下得攻其過慮  
事深遠萬代堪型至於隋文帝不罪酈紹之言唐太宗不怒志冲  
之請雖屬勉強亦末世所希欽惟

皇帝追法堯舜憲章祖宗遠邁前朝高出萬萬友龍鼓舞休明心悅誠服不勝忠義之忱感發莫制故敢敬獻芻蕘以副明詔伏願皇上察其愚誠赦其狂直俯賜優容不加誅僇使天下以友龍爲法不以友龍爲戒則友龍幸甚天下幸甚疏奏

仁宗嘉納之王因言其人沈練有膽識必深知民間利弊請召問之踰日卽召見

上親問官租所以民累之故友龍一一奏對剖析甚詳至有個種官地之家男不娶女不嫁等語

帝爲勦容時朝議以事關州縣租賦恐言有挾私請付外臣接問於是特命直隸總督胡季堂訊勘覆奏命下友龍義聲振海內凡被累之民莫不感其德及赴省就訊時沿途村民問知是言官租之孟公者爭持酒食邀留友龍弗停復贖金以助其費用亦不受

敬謝之至省大吏親鞠問友龍白某無半畝公田卽親族亦少受此累者赴闕上陳實由親見農民困苦不忍坐視出於惻怛之誠非特無所挾私卽

朝廷有恩亦毫無益於某也大吏飭員會州牧查勘果屬實始覆奏焉旋降

旨准於官租正額歲減十之四並飭州縣省催科有不能完納者不許援及他人永著爲令於是畿輔數十州縣悉受其賜事竣始得歸時年已六十餘矣未二年病卒

李廷相孟友龍家傳

駱六寶坻人幼爲編修閩樸僕嘉慶十八年六從主人在文穎館校書時

仁宗秋獮木蘭逆賊林清勾結內監張泰王福祿劉得財作亂京師震動賊數人入文穎館駱主人殺室中扃其戶而自索器謀

拒之苦無械乃折棹足持與鬪賊削以刀斷四指暈而仆賊入室  
虛無人遂去時皂隸數人伏草中乃出閉館門櫟與諸人共守之  
須臾城內外兵勇雲集賊鳥獸散櫟在館與隸數人日食糜一餐  
已三日矣聞有叩門者乃出而駱六殊未死移歸寓漸蘇厚待之  
後每

陛見

成皇帝輒問義僕駱六尙在否陶養之終其身或問當時形狀遂  
之如繪復曰我一細民徒以一時報主之誠遂忘其身卽令畢命  
草莽與螻蟻何殊乃屢蒙

天語垂詢復蒙主人豢養恩不以僕隸視其榮多矣其人誠樸無  
他長不能爲一切機械變詐習故臨難忠奮有古人風年七十卒  
於家有田二頃皆主人所賜也

雙階外  
史一



煤黑子不知何許人京師業煤者而目手足皆如漆因羣呼之曰黑子黑子備某家地近東華門內有

因史館倉典諸館黑子曰送煤入出以爲常嘉慶癸酉九月十五日之變方晡時諸禁軍多覓糞去留數輩或離立相與語賊突起如無人門焉者迤西有橋橋東北則

因史館也踰橋又北始爲倉典館黑子是晨擔煤回緩步將及橋猝遇賊見持刀洶涌狀大驚賊不服願跳而往黑子極聲呼禁軍稍稍聚門旋閉後至者不得入賊怒其呼也斫之中顧黑子舉所挈搵與奮鬪移刻又被劍而踣禁軍之來者謂爲賊也加刃焉死於橋左側當黑呼時賊之奪橋而西者十纔二三俄禁軍排牆上有數賊踣門闕作孔岫勢莫敢前一賊躍出傷我兵眾掩而捕之餘者擊以火鎗乃皆斃

朱琦煤黑子傳

李鍾大興人以供事議敘得官襄陽府司獄家素貧官於襄三年日益困悴性剛直窮而益堅甯暑突無煙忍饑終日不屑向人乞憐求升斗僚友聞其風皆器重之時襄陽郡屬邑南漳穀城均州頻年有賊警嘉慶庚申冬奉檄督夫役轉糧均州行至均屬自在菴眾夫委糧菴中各就村店覓食鍾坐菴守視留侍僅一役俄有賊探過菴呼道人亟洒掃酋帥敬香率大隊人馬且到矣先是賊眾每來必先有賊探前導眾夫聞信皆驚竄侍役勸走菴旁隙地避賊鋒鍾怒斥之曰我去糧誰守身存而糧失有何面目留人世耶役遂走匿道人復勸避廡內且曰賊遇有頂帶人知是官員無有不加戕害者君縱不愛身豈爲糧計不如暫蒙道服守護之卽有問者可權詞以答又斥之堅坐如故道眾遷糧藏廡內甫畢賊數騎先至問是解糧官細縛攤之行鍾怒馬僵立不肯動賊首繼

至厲聲曰爾轉輸裕軍食俾飽餐殺我衆耶麾令速斬之羣賊將  
裸剝賊酋曰是有剛氣自是好漢子勿去冠服使親屬得認屍身  
中數矛死死時恚氣全湧辭色不撓維時糧置廡內故不被掠事

聞郵庭如例此君軒  
梁筆

高繼珩字寄泉寶坻人藝談  
錄六嘉慶二十二年應試放榜日揀著自

卜得豐之初爻曰遇其配主人日子必售配字合己酉遇字謂己

合考官意是年主司汪文端廷珍劉文恭銀之皆己酉進士後謁

本房袁給諫銑袁日子卷劉所中果與卜合後爲樂城教諭著樂

城縣志餘數種復爲大名教諭奉檄防堵咸豐四年三月賊至冠

縣繼珩率兵勇禦之擒獲數十名兵民皆奮勇爭出格殺無算大

名城獲保全繼珩與有力焉龍松廬  
詩話軍功保薦知縣官廣東博茂

場鹽課大使藝談  
錄六著有培根齋詩集養源堂文集海天琴越詞松

廬詩 陶鳧香樑守大名聘爲天雄書院主講并襄校畿輔詩傳

話 集六 嘗於茶餘酒半朋友聚談遇可傳可敬可喜可愕之事歸輒

鐫鐙筆之命曰契階外史高奇泉自撰小引簡而能達敘事如繪狀物如

生直能自成一家言者孫肇修外史跋而輔世厲民勸善懲惡之意卽隱

存乎其間蓋多聞而直諒兼之矣史跋

劉毓崑字貢林號壽山永清人諸生天性孝友母嘗得驚悸症惡

聞聲崑每省視必解屨戶外徐步榻前有女弟適陳各莊張氏爲

父兄所凌虐乃析居毓崑爲購田宅與己居無稍異嘗曰吾終鮮

兄弟何必異視吾妹嘗於中夜起涕泗不止人問之則曰吾夢二

親承歡如平時醒則杳矣時年已六旬其孺慕如此親黨張建基

少有神童之目崑最器之知其貧招至家與其子伯壘共視席建

基卒能撮覈科登顯仕焉每值賓興力不能赴試者助以贖過歲

歎輒出所蓄賑貧乏凡喪葬婚嫁力難自給者求輒應無吝色終身行之不倦道光十二年大旱請於知縣萬侯勸捐賑卹崑爲首唱賴以全活者甚衆善人之稱遠近如出一口子伯壘道光乙巳進士仲篋亦以孝聞有父風云

永清吳志

康懋數號勉齋涿州人道光元年副貢生由教習官內邱縣教諭俸滿保知縣選四川長甯縣知縣履任值滇匪竄蜀陷筠連高縣慶符三邑逼近長甯懋激勸士民移會鄰境分守要隘捕塗面行劫者三人斬之內奸既鋤外賊不敢犯境集紳富勸曰吾邑城郭不完不足以資捍衛盡共捐築時各省軍務借助川餉民力已竭乃申大府寬各項輸助俾專力城工眾咸奮六月賊犯境逼下場鄉懋敷督紳團急趨往堵截賊知有備引去而應捐之款羽檄交催懋敷捧檄欷歔謂不辦無以應餉楫辦則將誰紓民力公私

交迫日夜焦思遂以致疾易質之日猶力疾審結七案歎曰軍需未完城工未竣吾竟不起何以謝長甯百姓乎遂卒於署卒之日

士民哀泣

涿州續志

甯鴻音字友鶴密雲人父彬兄鴻烈俱武生鴻音讀書知大義擊性過人彬弟彩卒無嗣彬憫彩之亡也將以鴻音嗣鴻音執不可曰禮爲人後者輕其所生吾不忍負所生也卒不往縣地爲古北之衝山西富賈於縣城列屋資轉運置山西公所每於此號召其衆魚肉平民鴻烈因民之切齒也會西商集公所攘臂呼從者數十百人噪而入西商懼鳥獸散乃列西商爲暴事訟之官官固心憚商所爲然莫敢爲左右袒上其事於大吏商故多金乘夜易公所名曰三聖神祠鴻烈遂以首禍律城旦鴻烈慷慨請行衆以其無辜環而籌無以爲計鴻音告其母曰姜江有言兄年德在前家

之珍寶今以罪行毋乃戚母心乎曩者父欲以我嗣叔父我不忍  
今事急矣請前命之從母聽其言告於官以鴻音出嗣鴻烈以孤  
子律留養不果行鴻音既嗣彩補弟子員母卒哀痛莫能狀既除  
喪嘗忽忽不樂或至廢寢食三年乃如初初彬兄弟析居久彩家  
中落鴻音雖嗣彩嘗曰趨侍彬側母既卒慨然割產十分之一以  
畀之鴻音曰弟已爲人後不能受所生者產雖然兄愛我不受無  
以昭兄之義乃受之經營數年產幾與兄埒牛欄山者順義一大  
聚落也商賈自邇至者古北口權其貨至此官稽之道光時司事  
者議重權申禁令擅威福行旅苦之眾情洶洶欲爲變鴻音止之  
曰毋譁如是禍且不測乃馳見司事者曰舊制不再權奈何易成  
法擾民若有變所失多矣門以外之環而立者皆欲甘心於君等  
者也司事者懼遂不重權如舊制入資爲府經歷分發安徽候補

旋乞假歸遂不復出道光二十四年卒年四十六

密雲丁志

李菡字豐垣號滋園寶坻人嘉慶二十三年舉人道光二年進士改庶吉士習國書散館授編修十七年升贊善十九年大考翰詹得拜宮錦之

賜旋升侍講學士充

日講起居注官三十二年晉少詹事

簡安徽學政商嚴考經古以覘實學親記號截以杜槍旨發案後此對述卷必親校閱有不符者立予扣除恐膺鼎不祛則真材屈抑場規務極於嚴而愛才之殷待士之厚出於夙性少年寒賤尤必力爲成就期望殷拳彼都人士欽黜陟之公仰培植之厚凡應試入都及以事至者無不依戀門牆望風恐後其感激之意有更深於鄉會座主者鳳陽某生以犯規應革菡憐其少年績學特予



薄懲臨行時此生奔走數十里外遮道泣送迷及過蒙矜恤當益  
濯磨消愈勉以自新力求補過後其人旋膺薦擢巍科罕有知其  
事者齒亦不欲彰人之慝也所得士如孫侍郎家鼐孫廉訪家毅  
李制府瀚章李伯相鴻章林方伯之望方觀察濬師或名重藝林  
或身膺疆寄或宣

命遐陬尤爲青日所垂極一時之選任滿還京改都察院左副都  
御史署禮部左侍郎時

文宗顯皇帝登極蒞應

詔陳四事一臣工因循之習宜振作一臣工欺飾之弊宜擴清一  
臣工玩法之漸宜預防一臣工偏執之私宜屏除按切時弊一以  
得人爲急務奏入得

旨嘉納成豐四年授兵部右侍郎兼署倉場未幾實授十年再補

工部左侍郎十一年調吏部左侍郎同治元年補工部尙書專辦  
實錄彙本二年薨於位

子益文恪

采訪冊

劉源灝字鑑泉永清人少穎悟善讀書家中落讀益勤道光三年  
進士選庶吉士散館授編修甲午充山西鄉試正考官乙未出知  
揚州府治獄如神數十年積案皆清釐多平反揚俗浮靡源灝首  
崇節儉敦教化召各屬高材生來郡讀書勉以根柢之學造就甚  
眾王凱秦蔣超伯其尤著者江督陶文毅樹蘇撫林文忠則徐皆  
相倚重署常鎮通海道清江下游高郵設滾水壩四河水長至一  
丈二尺卽開壩洩水河督張鵬翮舊制也道光十六年秋洪澤湖  
盛漲大吏檄開壩急源灝念壩開則下河數州縣田禾廬舍均被  
淹沒力持緩開之議河帥怒遣參將張某持令箭飛騎來督視開

壩下河居民沿隄數十萬哭聲震地源灝泣曰吾力竭矣奈水勢不消何跪請於張吾已徧諭鄉民徙高阜願少待遂以身禱已而天氣開霽湖水陡落張驚異以爲神佑兩岸民歡聲動皆曰生我者父母活我者太守比於陳鵬年云九月移任陝西督糧道陝撫湯文端金釗委同臬司審理積案釐剔倉糧款目添置關中書院經費延整庠路德主講黜浮華崇實學如任揚州時調潼商道清釐稅務裁減浮費以董久沒湮農人失灌溉利捐金疏濬復其舊民德之累遷山東按察使再遷布政使攝鹽運使運使陋規逾鉅萬卻之咸豐元年代辦鄉試監臨武闈主考倡捐京餉賞戴花翎四年粵匪竄陷臨清巡撫張亮基督師防濟源灝督辦省城團練嚴紀律均甘苦巡防守禦民賴以安入爲光祿寺少卿旋按察湖南遷雲南布政使升貴州巡撫粵匪石達開由川犯黔

衆數十萬直抵廣順距省僅七十里時兵單餉絀源瀨日夜籌防  
守具皆備復疏請提督田興恕來黔辦理軍務興恕名將源瀨激  
以忠義故屢戰皆有功人咸謂源瀨知人善任云累遷雲貴總督  
以年老乞休同治三年卒年七十弟源濟

永清續志

源濟字曉川善屬文受學於源瀨道光十六年進士改庶吉士授  
編修簡荊州府知府抵楚委辦隄工城工深相倚重舉卓異加道  
銜以勞瘁得目眚乞休歸咸豐三年粵逆擾畿輔踞靜海獨抗鎮  
去邑百里源濟首唱團練經畫有方民獲安堵歲饑僅輒出貲濟

宗黨不忘源瀨所教云

永清續志

王錫朋字樵備甯河人少雄武有豪氣以武舉補兵部差官援例  
得固原城守營游擊遷慶陽營參將

梅曾亮王剛節公家傳

道光六年從大

軍征張格爾自大河拐至回莊力戰矢殪其酋

賞戴花翎進戰至阿瓦巴特賊阻渾河沿列陣亘二十餘里恃眾

氣盛鼓角殷闐以張聲勢夜二鼓西南風起拔木揚沙大冓晦武

四記錫朋開道渡河入喀什噶爾城進攻英吉沙葉爾羌和闐皆有

功別將獲賊目玉努斯王剛節公家傳十二年猓民趙金龍亂湖南殘常

甯新田錫朋以臨武參將從提督羅思舉破賊羊泉街先正事略賊大

呼乞降仍闕且逃內外夾勦連日殲猓六千聖武記七誅首逆別將逐

賊高家坪大捷回攻楊家園圍賊滅之

賞銳勇巴圖魯名號擢寶慶協副將時廣東猓亦煽動趙仔青進

擾湖南兩廣總督檄以兵控兩省適中地王剛節公家傳錫朋殺賊濠江

口又破賊銀匠銜獲其酋旂仔青反走追獲之及其孥湖南平赴

廣東大軍戰連州大洪橋乘勝入火燒拊之蛇兒嶺奪馬鞍山遂

平五排猓先正事略又從定蓮花泓冷水銜金竹銀桃花衝紅泥田各

孫及排後孫亦就擒服遷福建汀州鎮總兵服闋改壽春鎮總兵  
英夷陷定海去之命錫朋以壽春鎮兵駐其地二十一年八月夷  
再至出守九安門鄭國鴻駐竹山門葛雲飛駐曉峰嶺相去十餘  
里三鎮且戰且守飛書請兵大帥不應戒死守毋望援三鎮合兵  
四千當夷人二萬餘賊先犯九安門不利退攻竹山曉峰錫朋馳  
救兩營已先敗賊爭鬪錫朋憤甚獨揮短刀陷陣所親卒及身自  
盪殺賊數十百人力竭死錫朋自遊擊從楊忠武遇春定回疆知  
名及平孫功居最嘗誦論士卒曰戰利呼人共之獲倍多卽人不  
利趨救之可兩全故戰比有功而定海事竟以無救敗錫朋死尤  
烈事聞

天子震悼以提督禮

賜卹諡剛節建專祠子承泗襲騎都尉

王剛節  
公家傳

李光涵初名攀龍號芸圃大興人幼而失怙孤貧力學甫弱冠蜚聲郡庠爲人記室每歲館穀所入藉以養母道光元年舉人考取國子監學正九年成進士改庶吉士散館授編修歷充甲午科河南副考官

國史館協修纂修總纂

記名御史京察一等十七年丁酉

簡授山西太原遺缺知府補甯武府知府迎母於任所養志承歡十數年如一日又擢節廉俸爲兄攀桂暨弟雲綱粟俱銓得官母常顧而喜曰吾雖青年守志賴汝孝養無未亡之痛汝兄弟均獲微官俾資事蓄吾從此無憂矣母歿時年已八十有五光涵哀毀過情因之遂歿其天性孝友如此在甯武任十二年前游倚重初膺密保旋復保薦卓異歷署河東雁平翼甯各道篆慈惠及民廉

諱率屬尤以培植人材爲己任甯郡邊地文風僻陋自乾嘉以來  
鮮有科第光涵於書院肄業諸生口講指畫無異父兄之課子弟  
越數年人文蔚起登賢書者繼踵不絕庚戌會試甯郡計偕者竟  
得八人郡城學宮久圯光涵慨然捐俸爲士民倡親自督修煥然  
一新儲積倉廩棟宇摧殘亦修葺完繕又郡有明周忠武公遇吉  
墓塋垣俱廢復捐廉興築完固並建室於側安置守冢者使之灑  
掃且資護衛焉甯武領四縣光涵時率邑令勸課農桑民無游惰  
道光十九年所屬各縣相繼報災光涵身自勘驗緩催科罷征役  
發粟賑饑親爲分投不使吏胥舞文民鮮實惠四境災黎全活者  
不可勝計平時或遇亢旱必齋戒步禱精誠所感甘霖迭沛郡屬  
有蘆芽山者自國初迄今封禁有富商賄以數千金稟請批准開  
山伐木並按年納課光涵峻拒之曰此時開山伐木納稅自有贏



餘不十年取材已盡而國課無著豈不貽後人累吾雖窮宦決不受此不義財遂將遞稟批駁立案甯武之人至今猶感戴之

大興李芸

國親察

手略

徐大勳字成之大興人道光二年舉人任江西貴溪縣知縣創浮橋於江口民不病涉稱之曰徐公橋有兄弟訟產前令屢訊未決大勳諭以至誠引咎自責訟者感泣請罷以老致仕貴溪人爲建

生祠

宋訪冊

李如珪號梅坡通州人廩貢生候選同知性純孝父歿哀毀骨立思慕無已每晨昏潛往殯所竊聽如聞愾息由是有心疾數年幾殆兄早世愛其孤如子生平樂善好施凡捐賑掩骼養老育嬰以至施衣捨藥諸義舉力行不倦尤不可及者接待後學殷殷獎借凡真讀書堪上進者無不物色與之接殷勤通款洽焉同州人毛

登賢號玉書增廣生性孝友以篤行式里開處已謙冲待人和厚  
遇貧乏輒周恤有以急難告者傾囊無吝色善醫捨藥療疾鄉里  
有善舉罔弗以身倡與同志者立惜字放生兩社著戒殺昆蟲論  
見者曰此善書所畧也遂刊行著有春雨草堂夢餘吟詩集有曰  
記錄一卷計四十餘年事續修州志多採入焉年八十六無疾終  
州之人於昏喪嫁娶隆禮由禮不以奢易相誇耀者皆用登賢教  
也謝琯字筠亭躬耕嗜學挂角帶經嘗讀易不得其解徹夜無眠  
有客造廬指說奧竅心下了然然後去家居孝友雍穆一庭及教  
於家從遊日衆顏其堂曰養拙道光八年舉人丙戌大挑以知縣  
分發江西未仕告病卒於家弟子詹榮字華峰聞謝琯尊聞行知  
日益勤奮喟然曰經師人師今兩遇矣遂從游顏其堂曰補拙卒  
年四十六訃至門人皆爲位而哭

采訪冊

徐有壬字鈞卿宛平人生而敦敏八歲解句股術初就傅勤讀不倦嘗覽族譜得宋太學生贈秘閣修撰應鑣闔門死節事歎曰吾它日當如此聞者駭之師事刑部郎中姚學棗欽天監博士陳杰道光八年舉順天鄉試九年成進士廷試三甲以主事用分籤戶部旋補四川司主事二十年升山西司員外郎充則例館提調隨和碩鄭親王尙書賽尙阿往福建天津察辦事案二十二年轉陝西司郎中京察一等

記名以道府用二十三年授四川成縣龍茂兵備道歷充四川文武鄉試外監試官二十七年署四川按察使時囑匪滋事有壬匹馬入賊巢諭之使降而誅其渠魁倡亂者二十八年擢兩廣鹽運使署廣東按察使廣東俗惡犯大辟者率以貨贖人代死曰頂凶甘自誣伏斷脰不悔有壬知之每鞠獄肫肫然與囚對語使自覺

悟開釋數十百人是年冬授四川按察使蜀人聞其至喜曰賢使者也是年應

詔求直言密上封事旋擢雲南布政使雲南運銅經費軍興以後他省無復津貼京銅不起運厥丁坐困謀作亂有王請於大府就厥鑄錢以蘇民困亂始息咸豐三年調湖南布政使於時賊氛大熾烽火達湖湘與督撫謀使鄉大夫各力輸餼子弟皆登陴守賊攻長沙四旬不克退走五年夏丁憂歸里六年甯國告警浙之大吏奏請命有壬理湖州防務有壬見城惡亟出財修葺又疏通南湖濬城濠長興縣境與廣德建平毘連爲最衝至是與太湖諸漢皆設禦備賊犯高資率民兵往援之甯國告陷又移書提督鄧紹良責堅守廣德毋縱賊入八年春二月服闋引見

上命有壬往江南理糧餉

陸辨

賜御書福字十二月授江蘇巡撫下車後虛中納言禁絕私謁革除關稅陋規江南自江甯陷罷鄉試者三科及有王至縉紳先生皆請假浙闈舉行有王雅之而大學士彭蘊章已言於

上前不得已據實上聞九年己未遂有假浙闈舉行江南鄉試之舉又慮都中糧匱海運或不濟請先撥藩庫銀買米三十萬石由海舶達京師請於次年新漕扣抵奉

旨俞允先是江蘇糧稅有加成完納之例甚至正供一石完四五石不能清積逋有壬奏飭地方官遵定例勿苛索於時民困稍紓十年二月廣德陷於賊遂下長興徑趨湖州有壬聞報亟命兵往援及杭州陷總兵張玉良從太湖進攻有壬資以軍糧器械比至杭州賊見其幟以爲張國樑至遂遁事聞時總督何桂清奏克復

杭州由布政司王有齡密授機宜於是王擢浙江巡撫而有壬友  
部議敘未逾月東壩溧陽相繼失守有壬命張玉良移師駐宜興  
總督留之常州閏三月十七日江南大營復潰欽差大臣和春率  
諸將退守丹陽未幾丹陽又陷張國樑死之和春退保常州常州  
兵多且團練可用而總督何桂清先棄城走常州士民遮道乞留  
至不得行發火鎗斃數人而後出和春亦自經死有壬聞之卽據  
實陳其狀張玉良兵潰至無錫入見請助守蘇州有壬與諸紳謀  
令屯郭外而前巡撫許乃釗力言杭州陷時爲不信援兵所致不  
可蹈其覆轍有壬聽其言使屯葑門時四月十二日也是夜張玉  
良潛遁明日有壬方巡城客軍已開門納賊急集民兵巷戰而賊  
突至有壬厲聲叱之賊環集攢刺刃出於背而卒于震翼赴池中  
死妾施氏及女姪姑皆自經死事聞奉

旨賜卹如例先是丹陽陷常州危甚有兩弟來至蘇州相見問以  
事俱不答但抗聲曰吾終繼武修撰公矣請攜子女出皆不從遂  
及於難有王爲學宗尙程朱又好李文貞公書於陸王顏李之說  
皆非所取然不尙空譚宦遊所至必訪求土風民情及山川險要  
命人繪爲巨册以便觀覽生平於算術最精嘗自言予幼而好此  
乃天性所近任郎中時蒙

成皇帝召見垂詢諸法一一具答

諭旨褒獎高麗使臣及英吉利人間而仰慕賚書求教則爲刊正  
其紕繆皆說服而去所著有弧矢細草割圓密率堆垛求積術冬  
至權度攷日食九服里差校正四畢術等書

戴望江蘇巡撫徐公行狀

李嘉端字吉臣號鐵梅大興人道光八年舉人次年聯捷成進士  
改翰林院庶吉士壬辰散館第一授編修癸巳大考蒙

恩賞大綬甲午充雲南正考官旋典雲南學政充

日講起居注官升詹事府左贊善翰林院侍講

南書房行走復放福建學政晉內閣學士補倉場侍郎署兵部右侍郎再典安徽學政實授兵部右侍郎調補刑部左侍郎旋巡撫安徽兼提督以事革職乙卯主講陝西關中書院同治四年移講直隸蓮池書院庚午移講天津問津三取兩書院光緒六年十二月卒於天津嘉端一生正直無所依傍歷居清秩疊荷殊恩衡文則鎖院肅清挽回風氣奉派事件無不洞鑒利弊興革咸宜權部務則細推深究惟恐或失權倉儲則秉正辦公胥吏咸畏人呼之曰鐵大人及任巡撫時正值粵寇亂後戶口流亡所餘兵丁不滿四千而嘉端以一身兼辦兩司之事書啟摺奏一手爲之不辭勞瘁不避艱險鳳陽失守嘉端派兵赴援僅餘兵二十四名駐紮省



城謂人曰明知無濟且近行險傲幸然坐視不救心終不安惟有自盡以期無負

國恩耳賊畏而去後主講關中同治初年回逆滋事維時陝省太平已久人不知兵自上官以及平民莫不倉猝無計執政者迭次問策並請登城助守嘉端慨然赴約授以定民心振軍志審賊情諸計而省垣卒賴以安後移講保陽天津每值課日其一切法度若先年試士時閱文必細心商推人有勸者則曰講席之位風氣所關若草草了事必致貽誤衆生故近年天津得第者率多肄業之人文風丕振臨終前夕猶對客談文容去後書日記數行遂無

疾而逝

采訪冊

崔侗字同人號葛民先世由山西洪洞遷竊州性沈毅

單懋謙崔公家傳

喜讀書自其先家本寒素無力延師而攻苦自課

朱鳳標崔公墓誌 讀書

務求實用至是一字未安輒廢寢食治經時每取先儒詁經之說  
抉摘精審融會貫通擇其要者書於諸經之上

崔公家傳

道光十一年

舉人十二年進士引

見以主事用簽分吏部考功司每平旦屢勉趨公不避風雨案牘  
所不能徧閱者攜至私寓考校盡夜無倦容嘗以蒞其官不習其  
事一切仰成吏胥爲恥爰取吏部則例察其興廢辨其沿革比較  
而剖析之講求切究一如向日治經法或例所未載偶遇一事必  
旁推曲暢務與律相比附一日吏持牘上稍未符輒叱曰是當取  
某案某例何取此也吏大驚由是奉法不敢上下其手大學士陳  
官俊尙書恩桂皆曰吏部郎得人矣旋升考功司員外郎掌考功  
司印題升文選司郎中丁憂服闋復補文選司郎中掌文選司印

崔公家傳

銓曹所司視考功尤叢雜難稽缺分之榮枯班次之進退日

月之後先芬如治絲侗一治以嚴絕苞苴杜請託於科條之勒爲成書者剖析其異同比校其新舊昕夕纂記蠅頭細書行間幾無

其也文能老委巨益但委精亦行文書無敢營私舞文者意所不

可審審諤諤執簡與同僚上官爭必得乃已久之所與爭者轉相

倚賴如左右手遞相引重

崔公墓誌

是年司中空匱累逋二千餘金經

費無所出吏言於侗侗曰是無難捐俸自給一年後宿逋可豁矣行之果然人咸服其裁斷刑部郎中某斃使女投之井事發命侗隨尚書文慶赴提督衙門會訊侗不深究其致死之由祇以擅殺奴婢抵罪尚書歎曰上不虧

國法下不拂人情矜慎忠厚兩得之矣以京察一等擢廣東南部

連兵備道未抵任旋授本省按察使

崔公家傳

於時清遠英德賊匪煽

動制府下檄督勦侗運籌帷幄一切調度悉合機宜以屬吏爲難

信凡糧餉出入必親爲句稽文移往來必手自指畫茨膏繼晷連

夕不寐事平

崔公墓誌

接辦善後事宜奉

旨賞戴花翎咸豐四年補授本省布政使適賊匪復熾直逼省垣

當是時出則巡視城守入則籌畫度支檄調芻糧

崔公家傳

加以協撥

鄰境庫款空虛費無所出藩司爲錢糧總匯支發皆取給焉侗握

算持籌焦勞太甚力疾從公不能悉心靜攝待賊蹤稍遠遂卒於

任年六十二

崔公墓誌

李右文榜名佩文字伯蘭通州人父如瑗以孝友稱右文道光十

一年舉人咸豐三年選湖南永州府東安縣知縣適髮逆犯天津

奉

旨留辦本籍團練日以大義諭里人四年冬撤防以功加知州銜

五年赴官以弟季偉官浙江迂道往視抵浙聞湘南道梗其仲弟

翰文自天津差次馳書勸止季亦挽留皆不聽毅然之任至楚檄署新甯其邑已兩次被寇戶口多流亡右文招集安定加以撫循獨敵以振七年以最調祁陽時從弟載文守粵西已殉難仲弟又勸歸慨然曰死生命也脫使捐頂踵報國是得死所也何慮爲行復回東安任遂行八年春湖南境賊退右文謂眾曰賊敗他竄耳不可恃訓練民團置倉穀數千石備不虞政聲日起九年春逆首石達開由江西竄湖南所過皆望風遁不數日抵永州界逼近東安新甯士庶數百人來迎請避賊於新甯右文曰某去誰爲守此土者及賊至復請護家口出境又曰是爲民望也卻其請並遣之庶皆誓死相從不忍去三月初六日賊熾至城卑四面皆山賊環瞰之勢岌岌右文集文武與百姓登陴固守新甯紳眾亦隨之揮淚誓師眾皆哭矢死敵右文親督矢石七晝夜日未交睫轟斃城

亦賊甚夥至十三日東門陷右文與賊巷戰於署東身被重創猶  
手刃數賊力竭被害長子傑妻郝氏子婦王氏男女僕夫皆從死  
新甯士庶數百人亦先後戰死賊銜轟殺傑燔右文尸僅得脊骨  
歸葬卒年五十三事聞奉

旨視道員例賜卹令本籍建祠春秋子祭隨殉親丁紳勇並附祀

通州  
高志

子傑原名慶護字小蘭幼好弄廢學及長有幹略侍父湖南襄督  
練勇能任艱鉅父倚其力爲納粟就縣丞以其勇敢改名傑八年  
春湘境肅清議獎因傑團防出力請以知縣候選九年石達開由  
江西回竄逼近東安境右文知不免作書與兩弟訣命傑資往蓋  
欲生之也傑不忍去又不敢逆父命潛避於署之左右以觀賊變  
及賊至率練勇登城守南門素與眾共甘苦至此皆效死賊環攻

七晝夜至三十日陷東門傑聞驚馳父所未至先遇害尸同被焚  
卒年三十有一事聞依同知例

賜卹附祀右文祠

通州高志

載文字潞帆少力學亦時時好馳馬擊劍道光二十四年舉人二  
試禮部不第適粵亂且劇選人畏之載文慨然出謁選

李壯烈發公墓表

往廣西以知縣用

國史列傳

廉直自矢能耐勞不解曲事大更大吏

亦才之多畀以難事

墓表

時粵逆洪秀全犯桂林馬平逆賊李志信

聚眾爲應載文躬率兵勇殲之三年巡撫勞崇光上其功得

旨俟補缺後以同知用尋調署平南縣知縣

國史列傳

平南郭濱江

爲梧州門戶毗連潯藤柳慶艇會各匪更番出沒若大鯉魚大頭

羊立名字者不可勝數

墓表

五年艇匪由梧州上竄攻陷潯州郡城

分擾平南載文禦之渡口施礮轟沈其船匪眾多死餘船退泊三

角莆乘勢蹙之殲斃無數匪復由磐石平田分撲南北兩岸我兵抄襲環攻郤之敘功得

旨免補本班以同知直隸州儘先補用並

賞戴花翎六年五月至七月匪復腐集水陸環攻城堞無一完者破臺十有二悉燬載文嬰城固守

國史列傳

困重圍七十餘日告急

文數十上乞援乞餉大吏但空言相慰藉後竟置不問

墓表

載文知

事不可爲遣親僕從閒道以縣印繳送桂林省城獨激厲兵勇與賊相持千總方源開城私遁賊乘隙竄入載文率勇巷戰

國史列傳

手搏賊右髀傷忍痛力戰復斃百餘人力竭自刎不殊被執賊謂公好官將生之載文大罵不已賊割其舌猶含血噴賊面乃死士卒爭赴賊死者七十餘人縣民皆巷哭

墓表事聞奉

旨視知府陣亡例從優議卹尋



追贈太僕寺卿銜

子諡壯烈

賜祭一壇入祀粵西京師昭忠祠原籍建立專祠地方官春秋致祭

賞雲騎尉世職 國史列傳

張中寅字古虔大興人 張林古虔府君行述 道光十五年舉人咸豐三年在

火器營捐職位經柏夜等奏請以助教選用旋遵籌餉例報捐同

知分發四川八年補松潘直隸廳同知 國史忠義列傳 己未五月到任

視事後案無留頡時以整頓地方為務松城有江源書院經費久

乏曠課兩任中寅曰强悍之地何可少詩書涵濡耶特捐俸倡集

得白金若干權子母以息為修延山長主講焉城密邇番黎夷情

非昔而又向隸鎮屬前因武營徵糧啟釁勢日岌岌中寅憂之於

是亟籌款修城垣製器械輯民與役之精壯者勉以忠義教之戰  
法爲不虞之備庚申九月逆番果聚眾圍城中寅親冒矢石激勵  
義勇助戰守逆番不得驟進然以不足三千之兵當數萬野番且  
城居番地之中形如釜底時三面皆爲番踞只有走龍安百八十  
里之小河汎便運糧可資接濟乃一城存亡所繫中寅始謂迅集  
兵力勦而後撫計之上也次則添兵扼守小河汎庶食足而撫局  
尙可徐圖不先扼此則孤城難保而議撫莫爲功矣乃屢以事機  
稟陳力乞援軍皆寢不報數月後力漸不支民役環跪曰事不可  
爲矣願早圖生計中寅慨然曰是何言也

朝廷命吾來守此土撫此民則吾身當與此土共存亡與此民共  
安危盡心力而爲之濟則地方之福不濟則有死而已曷可言去  
於是民役皆感泣守益堅逾年四月逆番果踞小河汎

行阻絕糧

道

忠義列傳

文報不通又書告急文於木牌以油塗之由河順流下乞

沿途代申請援仍不報糧盡至雜煮牛馬皮作糜度日民間析骸

易子尚誓以死守

述行

逆番不得逞邀請喇嘛代陳情願投誠總兵

聯昌以腹地軍務緊急乘機招撫逆番因各喇嘛搬運犒賞茶包

之際由東北兩門撲入焚殺中寅於北門督隊堵禦

忠義列傳

顧謂民

役曰此吾授命時也能從吾殺賊者其悉來於是躍馬直前拔佩

刀力斫數賊民役勇氣加倍巷戰逾時尋逆眾蜂擁至中寅中數

矛落馬民役拚死護衛卒以眾寡不侔

述行

死之

忠義列傳

妻妾及妹均

投池以殉事

聞

贈道銜裕雲騎尉世職

述行

於陣亡地方暨原籍建專祠

忠義列傳

王萬齡字嵩三涿州人道光十五年舉人廿五年進士以知縣簽

分河南代理涉縣下車卽擒獲境內巨盜陸某暨其姪置於法民賴以安補獲嘉縣有惠政以父憂去咸豐二年粵匪北竄奉檄堵黃河之柳營口以同知直隸州用時值連莊會匪滋事懷慶知府高映奎與議撫勦萬齡曰此皆愚民也撫之易耳或欲多其兵勇以爲衛萬齡笑而謝之乃單騎往諭以禍福登時解散隨撫溫縣篆溫民亦和土匪斂戢咸豐七年捻匪竄入嵩縣適萬齡在河南府查辦蝗災奉委署嵩縣事嵩縣爾山城乏兵餉乃捐資募勇製械迎擊賊於伊陽之田湖鎮陸渾嶺等處疊獲勝仗次日追賊至閭莊賊竄入山溝四無出路先是萬齡與知府樊某定夾擊之計謂賊不難一鼓殲也至是而樊援不至萬齡憤激出隊眾寡不敵身被重創力竭陣亡事

聞

賜銀二百兩加道銜餘贈卹如例

涿州  
吳志

趙儒永清人父早逝獨與母居以麥屑炙炭爲餅貨之得微貲易甘旨奉母母病風痺手足不能自運儒爲潔清牀褥扶掖洩便朝夕不違離少暇仍炙餅貨之恐舍業則無以養也有勸以娶妻者儒曰吾事母甚樂娶妻來未能得母心且生齒繁累增不如獨事母也遂終身不娶母歿時已老而號泣苦次猶不改孺慕云

永清  
續志

王應泰字應泰霸州人幼貧棄儒業拮据家計嘗嚴冬負小荆筐持斧柄長半尺許侵晨樵採丁丁風雪中十指皸裂血滲漉枝柯間歸以供朝炊無怨色後稍長矢恃兄清泰謀食京師應泰獨奉父家居每歲飢餅罄身所著外衣付質庫得直市魚肉以歸熟荐之時天寒甚家人爲飲泣應泰歔然供七箸談笑祝噎侍父醉飽而罷值夜躬執所用洩器置牀下父就寢覆蓋周密無罅隙以手

探衾中過指燈處舒之平貼方退雖失學然性明敏喜書日與諸  
備遊漸漬開悟能明大義遇古人忠孝節烈事輒掀髯鼓掌慨慷  
激昂爲人論說不厭及長子慶昇出買家稍裕時兄清泰已老命  
迺以歸里迺於宅東偏闢室四楹奉兄其中開北窗置板扉其上  
春秋啟之則小橋跨水魚艇估帆隨波上下綠隄楊柳芙蓉不絕  
秋晚白蘋紅蓼掩映斜陽間望之如圖畫室外地數弓植以四時  
花木復購古今傳奇神史鱗次左右備兄游覽歲悉召故人子弟  
奉觴上壽或踟躕起舞應泰亦時學七勝佐之必兄極歡乃已歲  
以爲常里南一里有市曰蘇橋水陸交通四時絃歌甚盛應泰嘗  
與兄遊其間兄先弟後白髮飄然路旁觀者皆歎羨爲悌弟云應  
泰爲人長身大頤色微蒼左眉上有肉微凸長分許善談論聲音  
朗然傾四座閨門雍肅無勃緩聲里人有鬪者俟一言以解爲

徐剖其曲直人人屈服蓋鄉里推碩德焉道光十七年卒年六十

八子二

任琦王處士家傳

高靜字慎莽甯河人父天秩積學早卒有獨樹齋詩行世母陶以節聞靜年十三始就外傳性好動自師命以名卽確然自守讀書目數行下寒暑無間道光廿四年舉人同治元年大挑二等於書靡不通與諸生講學輒爲條晰其源委亶亶不倦所教士多以純篤稱性澹泊不慕榮利有司至三造其廬不肯見投刺報之處鄉里以謙謹自持天眞粹然不假雕飾家無儋石儲幾微不以介意日唯吟詠自適而已年六十四卒著有看詩隨錄三十六卷詩話二卷看書隨錄二十卷周易參考二卷慎菴古近體詩四卷詩餘

一卷

甯河丁志

王繼庭字筠軒武清人道光三十年進士吏部文選司主事

記名御史咸豐十年授山東青州府知府初蒞任值歲饑繼庭倡

捐賑濟於是官紳踴躍存活居民數萬巨匪李金鰲勾結捻賊謀

窺青州繼庭捕獲之

張香圃撰傳

是夜卽斬於大堂下進明金鰲餘黨

團聚欲篡取之示以首眾駭然散

李子模撰傳

當是時賊蹤飄忽無常

蔓延徧東省青州雖幸解圍而民心皇皇常恐賊復至適繼庭因

公被議旣解篆幕中人額手相慶勸繼庭速離危城繼庭曰官之

於民猶父之於子也焉有子將罹患難而父託遠行以避之者乎

於是募勇丁修城垣軍械勇糧罔不備具併捐千金以助練勇之

費新任潘駮文未到時意繼庭旣解任青州城守必空虛馳至觀

繼庭所設施乃大驚是年秋賊果大至其鋒更烈而青州城奠如

磐石皆繼庭之力也時撫臣悉繼庭賢能奏留襄辦軍務賊平始

歸里以勞績開復原官保升道員奉



旨仍歸知府本班俟補缺後以道員用同治五年繼庭已引疾家

居

特旨授兗州府知府繼庭仍以疾辭十三年卒青州人祀之宋十

三賢祠

張傳

侯邦典字慎五武清人附貢生官臨榆訓導之任八月卽歸養成  
豐三年粵匪逼津南武清日警邦典鳩貨晨夕守禦團練大臣桑  
文恪春榮奏

賜學正銜十年嘆咭喇薄我都城蔡村適當其衝邦典親至營約  
以信義遂無所犯而土匪乘機煽亂邦典擊之嘆咭喇大駭執邦  
典於行間一日始釋歸而武清卒無恙

王承綱撰傳

同治六年馬賊作

亂邦典詣圍練辦在臨時不可恃爲長久之策乃審度地勢濬池  
濬修圩牆爲綢繆未雨計八年建立義塾鄉之子弟皆造焉同治

九年卒

侯學所撰傳

俞奎垣字襲芸大興人父進麟官甘肅涇州知州奎垣讀書喜談忠孝事及長有大常仙蜚隨之平生務爲博通有用之學旁及金石醫卜星相家言無不洞曉道光二十九年舉人咸豐二年進士改翰林院庶吉士授編修六年充會試同考官尋考取御史奉

旨記名八年充湖北副主考官留學政楚自粵匪屢陷士氣不振奎垣崇尚經術加意栽植應試生童倍於曩昔辛酉春逆酋陳玉成破黃州奎垣方按臨漢陽忽傳賊薄漢口郡城爲空人勸回省絕然曰吾雖無守土責斷無他去理諸君子請行吾惟與守令共存亡耳後賊竄棗隨迺試他郡值省城戒嚴官節相文請襄同守城賊退節相以聞

賞戴花翎事竣受代書篋外無一長物將之甘肅省親旅費無措

同官致贖二千金以一千金畀鄂城書院餘攜以行至甘肅悉呈其父彌官廟未嘗有私蓄也初仙蜨之來也其色黃時或變色大小無定形凡所遇吉凶嘗藉仙蜨驗之由鄂之隴過險灘船觸石穿幾墮奎垣談笑自若童僕起視之有蜨護焉兩翅俱溼形大如斗在鄂蜨忽粉白色卽奉

文宗賓天哀詔至甘蜨又粉白色奎垣知有變勸其父辭官甫戒行而不涼等處失守行至涿州以母病親汲水和藥失足墮井卒年三十有八葬於廣渠門外楊家莊蜨又盤旋於墓數日乃去

襲

府君  
行狀

任式坊字亦春密雲人父元勳官直隸開州副將式坊以咸豐二年舉人三年進士授禮部主事四年充

實錄館校對官九年補儀制司主事十年遷儀制司員外郎十一

年以軍功

賞知府銜旋赴山東軍營攻克館陶冠縣得

旨以知府選用是年冬授江西瑞州府知府同治元年以克復莘

縣功

賞戴花翎尋丁憂歸四年服闋奉

旨發往貴州以知府留營差遣明年授貴州安順府知府是年十

一月至貴州境道經玉屏縣二岔河適苗匪出思州下竄猝相值

式坊提刀牽子家駿突前手刃數賊力竭父子並遇害事聞

贈太僕寺卿銜世襲雲騎尉家駿亦

贈卹如例式坊性敦慤尚風義博極羣書負經世略官禮部時

鑿與巡幸熱河洋夷航海大至衆心震懼乃上書當事其略曰英

人航海遠來深入重地已犯兵家大忌今更舍舟登陸離其巢穴

此真剿滅之機也方今大兵雲集直隸總督駐兵天津倉場侍郎  
通永道通州協近在通州宜使直隸督統帶兵勇勦其屯掠津郡  
之賊募熟悉水性者設法燒其船隻復由城外軍營密派官兵獲  
出其後會合通州官兵中路橫截於阨要地方又曰英人不敢近  
逼者以巴雅里就擒無主謀之人巴雅里朝以釋夕進兵矣和約  
詎可恃乎又上書條陳機宜一請

鑾輿回京一查驗旗營軍火器械招集潰兵一於城內外扼要地  
方派官兵分駐一每城分設四局雇勇夜巡一揀選習知武略者  
訓練士卒一

圓明園派兵守護一派兵護防

踉路並派兵截英人歸路絕其外援一令商人勿得逃徙設局城  
外安撫流民緝拿土匪共列事十二條當初上書或謂非所宜言

勸其遠徙式坊正色曰臣之事君事所當爲力所能爲卽勇於必  
爲不可拘於職而不爲言者愧謝去其在山東軍營也歷陳營伍  
弊略曰我軍之遇敵輒敗者操練無裨實用將士不相維持逃兵  
肆無忌憚總而言之無節制故也當事深韙其言

密雲  
丁志

朱文錦字郁齋永清人年十三補邑諸生性孝友母嘗病瀕危百  
計罔效文錦迫切無措焚香籲天割股肉爲羹以進母母良瘥兄  
雲錦號綱齋有文名著有皖省志略豫乘識小錄蕉雨軒等集文  
錦事之如父凡進杖履無不躬親形影追隨生平如一日口吃好  
施與於人無少長必溫語相接望而知爲至行君子也

永清  
續志

張耀字鑿坡涿州人父汝謙嘉慶初隨其祖玉田爲雲南州牧生  
耀耀數歲玉田罷歸旋卒耀以貧故不能習舉子業考以內閣供  
事議敘未入流分發安徽補霍邱縣典史時父母皆老邁耀以家

無次丁未能迎養乃告終養回籍數年母李氏卒父汝謙得癱瘓疾動輒需人耀日侍病榻以肩承足而私焉越二年汝謙卒營葬畢乃告於戚黨將往黔中迎其所生母柩至是人始知其爲汝謙之孽子也先是其祖歸途耀生母卒於旅店遂藁葬之耀甫數齡卽默識其處預爲後來計比耀如黔時知交之在當路者感其孝爲函致中途津要囑爲賙恤耀悉拜受其書比返乃均未投謁旣葬母凡子函者皆詣門稽首還之人以是愈愛敬焉釋服仍赴皖坐補原缺惟時髮逆已入長江皖省處處戒嚴移省垣於廬州霍邛在廬之西北縣令以中途賊阻未能以時履任耀以前後爲尉數年與其士民相愜乃羣奉之權城守事時粵捻張洛刑四眼狗等及苗逆之忽叛忽順者潁鳳一帶縣邑無歲不被圍無日不聞警耀以微官卒能和輯鄉團激厲紳富力保危城七年之久而後

爲賊所陷耀巷戰死妻妾子女均死之經各路大臣入

奏旌卹如例越十年其幼子三元問道歸來云被亂後潛蹤巖谷事定後始出霍邗人感其父之有功於邑也爲之醵貲乃得歸咸

謂耀之忠孝克全天不忍絕其後云

涿州續志

俞昌烈號鴻甫宛平人監生書法學東坡酷似

黃岡縣志循良傳

道光時

鍾人傑之亂從勞司馬光泰入通城堵賊有功

鄂城表忠詩小序

擢知黃

岡縣聽斷明決後宰江陵以盜案削職手輯兵書數萬言

鄂城表忠詩小序

序 去任後寓鄂城粵匪破城死之

黃岡縣志循良傳

劉咸大異人嘉慶二

十四年舉人牧蘄州旣病去旋被誣檄返楚削職勞司馬光泰屢

勸二君出城鄉居劉唯唯俞則曰子一家五口城陷當死之不能

去也後昌烈果遇害其妻女及少子自縊咸亦自縊旅店中蓋皆

死職也

鄂城表忠詩並小序



苑梅永清人苑名臣之螟蛉子也為人誠樸性至孝父卒早家貧竭力奉母母病多方醫治無效倉卒赴城隍廟炷香默禱割股肉燃脂爲燈比歸母病漸瘥梅亦未知所苦數月創已合肉墳然高起癥若碗口人人咸謂神佑

永清續志

劉潛永清人父邦甸爲邑諸生娶焦氏生潛及弟沛繼娶王氏生潭邦甸愛少子奉養之需責成潛家故貧而養必以肉夜必以燭焚香淪茗日以爲常或午夜蠟炬少昏則誦譔立至故潛恆侍父寢未嘗安席中年喪妻竟不娶終身之慕如一日焉父歿事繼母

無稍衰同治二年卒

永清續志

朱兆發通州人事母至孝平時負義氣居小東各莊濱河咸豐十年夷警村人惶怯朱隻身往說之夷疑之擊以火鎗立殞

通州高志

韓燿永清人武庠生文楚子也文楚四子長煥次然次卽燿又次

煇鄉無賴楊國順侵文楚及鄰田植柳爲界忠憚之莫敢發文楚  
倡眾訴於官責國順令盡伐侵界柳文楚往視界國順出不意斫  
以斧文楚立死官下國順獄吏索賄於文楚兄不遂以誤殺論國  
順得減死既出獄行益肆數往罵韓氏門曰楊國順固無恙也將  
行再取爾其奈何燿時年九歲與諸兄好偵國順之出至是益謀  
復讐急母聞之大駭呼諸子曰若輩其不欲生乎若父死於是何  
况諸孺子能避而戒之使破巢有完卵幸矣我已老寡婦再令我  
見汝橫死不如我先死諸子乃不敢言燿獨潛購利刃日磨淬久  
不得隙藏刃於篋兄然出爲伯父文植嗣文植家稍裕燿陰與然  
計曰父讐不戴天今幸兄所承業足養老母嗣是養母兄任之復  
讐弟任之咸豐九年九月六日燿之嫂請於姑曰翁忌日盍祀諸  
姑流涕曰若翁不幸死未亡人及諸孽子淹淹若此奚以祭燿聞

之祭於墓而返母於其潛出也搜諸篋得利刃令煇及煇伴之往  
田中收禾稽猝遇國順欲擊之恐株連兄弟而止偵所之見國順  
投樹下卧乃走及家索刃不得見斧是斧者盜伐燿田邊柳所遺  
也持斧去斫國順中顛連斫之國順死距文楚之死已十年燿適  
以是日復讐且均死於斧燿持斧歸告文檀曰父讐雪矣兒將首  
之官文檀驚曰勇哉兒十年之讐一旦而復愧殺我矣邑令蔣憫  
其孝爰獄卒善遇之解省見者輒問少年何獲重罪具以告皆曰  
孝子也灑金以助在獄染疫幾殆同獄敬其孝多方調護得不死  
同治元年遇赦出家益落事母益謹鄉人呼燿爲韓孝子云永清續志  
史維基字鏡堂大興人由刑部吏員知湖北黃梅縣知縣政簡刑  
清奸紳斂迹尤善判決收民辭有不待質訊而當經批銷者時呼  
爲照妖鏡有周姓局員自鬻身死時小池口縣丞某與周有戚誼

以爲移屍至此欲藉查拿凶犯牽累該地紳民維基正色曰史某  
卽凶犯也令戚平日行爲不可知但今日癡狂兼爲鬼厲吾已熟  
悉僕役口供有案可稽下民易虐上天難欺吾不慣作平地風波  
也亟封斂之同治三年大吏開訪聞例鬼域射影周內多人奉檄  
者虎視之鄰境遺累不少維基獨寬既往許自新以一紙寢之是  
年捻逆下竄維基晝夜偵探與民共休戚麥連年一莖雙穗幾徧  
郊原士民作詩歌以紀其事去任時父老扳轅遮道有涕泣者

冊

采訪

葉福棠字宜之永清縣人廩膳生性果敢勇於任事同治六年歲  
歉梟匪乘機煽動六月初擾縣境燬民居奉縣檄舉行團練爲保  
障計推其兄貢生詠棠爲團長福棠曰兄年老戰陣非所宜團練  
事弟任之遂集鄉衆修濠柵製器械籌經費皆首倡焉是年十月

賊大至適邨濠東南隅爲霖雨衝陷賊飛騎數十突入守者皆鄉民不習戰驚怖卻走福棠見眾潰不支猶振臂大呼毋退羣賊攢刺之遂遇害御史馬相如以聞

贈雲騎尉世職蔭一子祀忠義祠

永清續志

張耀崙永清李家口人性勇敢當馬賊環集時率鄉民嬰壕拒守鄉民怯敵耀崙獨嗔目大呼持銃轟擊賊中傷不敢前乃繞壕乘隙突入耀崙與格鬪遂被害又有房廷貴者巷戰傷數賊賊大恨羣圍之力盡被殺張春園字小芳世居永清小菁岱諸生爲人樸誠勇於赴義當梟匪蠢動鄉人推爲練長與李家口聯圍相犄角賊趨李家口春園協力堵禦遂同時遇害

永清續志

李文才霸州人父華家甚貧生十歲而父出游時祖友梅年七十伯父貴瞽廢母有痼疾惟恃文才以爲命年十三聞父於母銳欲

尋之母曰渠游無定所小子何往且如祖父何泣然而止嗣後每  
值歲旦供飯於几旋升屋抱竈突而號父者三乃下向几再拜嗚  
嗚以泣居數年祖與母先卒伯父亦逝備力以葬稱其家年三十  
三娶姑舉子女各一喟然歎曰祖宗有後吾將長往尋父矣逢人  
卽問狀若狂久之或告以熱河地界有一霸州人賃屋以居遂裹  
飯一囊挈青錢二百詰旦戒途妻子含涕送之弗顧也由昌平州  
經大沙窩大閘黃旂喇麻廟山行七百里巖谷崎嶇多驚獸屢頓  
於危而跡父所在輾轉終弗得繼至驛子溝聞有霸州人寓於驛  
舍乃長跪於門曰我霸州李文才尋父至此仁人幸告我其人驚  
而起呼其小字曰汝卽四閩耶疾應曰諾遂相抱哭果其父也哀  
感途人是時華年六十九友才四十九蓋不相見者四十年矣奉  
之而返越十年而父卒負土成墳葬之以禮同治壬申總督合肥

李鴻章以其事聞

旌表如例

周乃大孝子李文才傳

高福武庠生事母堅氏孝同治十一年四月間母病危醫藥罔效  
懽懽一息福憂泣不食呼天禱祝割左臂肉煎湯以進母病頓瘳

鄉黨稱之

涿州續志

吳士達字通齋大興人援例捐光祿寺署正性慈介嗜善如飢渴  
於民生利弊講求洞悉見顛連無告者若疾痛之在躬奔拯惟恐  
後而持已廉潔不肯私一錢以故京師諸義舉多延聘襄理焉先  
是士達與指揮程常憲善同治十一年永定河決近畿罹水災飢  
民流離轉徙待哺嗷嗷吳編修大啟首建分廠施粥之議董理難  
其人常憲以士達薦於是使治榆堡一廠事榆堡距河十數里倉  
猝舉賑眾以薪米不繼為憂士達廉知近村之龐各莊有屯糧數

千石乃飾商賈裝輕齎銀兩告糶更於榆莖附近村莊出榜收薪  
災民之無業者爭負薪至優價償之不崇朝薪積如阜又擇高敞  
場地建兩棚對四棚分南北出入男女東西爲別舊時施賑患夫  
役侵蝕士達於夫役優其廩餼使有贏餘然後申令再三躬親釐  
剔諸弊悉除饑民均受實惠凡五閱月炊米五萬二千餘斤日食  
粥一千四百口爲率費銀一千一百五十餘兩廣渠門內舊有  
育嬰堂一區歲久失其籍士達乃於附近坊巷賃屋十數間收養  
嬰孩命曰新堂乃徐訪舊堂遺址爲胥役所隱匿請於府尹彭祖  
賢踰勘句稽竟復其業並募集銀三百七十餘兩置涿州駐駕村  
膏腴地二十餘畝招佃墾種歲收租銀四十餘兩以充經費又以  
收鞘口衆新堂狹隘難容言於府尹添募銀幣於舊堂基重建五  
十餘楹移徙居之凡養嬰有額額溢則遣送他善堂往往擴拒弗



受以至遺棄失所士達迺增拓舊額來者畢納嬰兒入堂撥乳婦哺養每晨必令抱至堂省視乳不充者黜之嬰兒病則別置一室醫藥調護以故傷亡甚鮮堂之西偏有數室兒稍長則延師督教之先是吳大澂有慈幼堂之設法視義學稍異義學主於教慈幼則教兼以養初創之年幼童寥寥迨士達莅是堂殫力營措人樂其誠聞風而來者堂幾不能容焉光緒三年畿南大旱饑民就食者益衆於是官私添置各廠收錄丁口不下數萬人咸以士達董理之凡書冊給牌發米散錢諸務煩碎繁重罔不躬親措置形神交瘁卒以積勞觸穢薰染時疫於是年三月邁疾瀕殆展轉牀褥中喃喃語皆各堂各廠事也遂卒

采訪冊

沈桂芬字經笙宛平人祖籍江蘇道光二十七年進士改翰林院庶吉士三十年授編修咸豐元年充浙江鄉試副考官二年

大考一等三名擢庶子充

日講起居注官提督陝甘學政三年升翰林院侍講學士五年轉侍讀學士六年三月遷詹事府少詹事七年升內閣學士兼禮部侍郎銜八年丁父憂十一年服闋補原官充廣東鄉試正考官升禮部左侍郎同治元年調補戶部左侍郎二年三月充會試副考官十月署山西巡撫三年實授山西巡撫九月上籌費移屯疏略言臣官京師時親見旗民生齒繁庶除仰食錢糧外無生生之策以今日安插旗人上策無如移屯邊方中策則聽往各省其聽往各省之法無論馬甲養育閑散願赴各廳州縣謀生者徑呈本旗都統前往照商籍軍籍例編爲旗籍由地方官治之並許以旗籍應文武試其綠營戰守馬糧及各營將弁亦一體考拔黜革官弁及舉貢生監與各省駐防願徙者均聽之其移屯邊方之法請

簡擇賢能爲屯田大臣隨帶司員於奉天吉林及獨石口外之紅城子開平張家口外之興和新平等處昔年富俊孫嘉淦所勘定舊地建立房屋城堡豫備農具牛種由八旗都統勸諭旗戶願移屯者戶部發治裝銀三十兩沿途官給車馬到屯後每戶量給房屋農具牛種使之開墾耕種所墾之田限以十年升科徵收之糧運於口內而積銀於屯所卽以屯糧所糶爲次年京旗移屯及屯所經費之用由是而口北寒凍之地人氣日聚地氣日闢天氣卽爲日暖旗人一遷徙之勞永可以自謀衣食而旗民恤矣軍興以後調遣旗兵不聞得力若移屯口外練習風霜耕牧營生兼資勞苦加以訓練可復

國初驍健之風十數年後環邊之地皆成勁旅北肅強鄰南衛京師而邊防實矣軍務旣竣請於定復八成兵餉之年暫給六成酌

留二成歲可省銀百餘萬兩治裝銀與房屋種具每戶以八十兩計之歲可移屯數千戶俟屯升科後京旗兵餉仍復八成之舊則目前經費無庸另籌日後正供永無不足而

國用紓矣疏入

詔所司會議從之四年正月以籌解甘肅軍營餉需議敘二月疏稱晉省山多地少民食不敷自洋藥弛禁小民趨利若鶩栽種罌粟始而山坡地角繼則沃壤肥田以致米粟日缺糧價踊增設遇凶饑購糴維艱若不嚴禁罌粟則煙土愈廣糧米日稀不知伊於胡底臣思民爲邦本食爲民天亟應通飭各屬一律禁栽罌粟俾小民專務稼穡雖於坐賈釐銀稍減然所失者小所全者大現已議定條約刊示各屬總期令必行而民不擾下開養命之源上裕致麗之計四月以母疾疏請解任旋丁母憂六年服闋補禮部右

侍郎充

經筵講官七年三月

命在軍機大臣上行走旋調補戶部左侍郎七月調吏部左侍郎  
賜紫禁城騎馬八年升都察院左都御史

命在總理各國事務衙門大臣上行走九年遷兵部尚書十一年  
充

國史館正總裁九月

大婚禮成加太子少保銜十三年管理國子監事務光緒元年正  
月

命桂芬以兵部尚書協辦大學士先是國子監肄業生額四十名  
由戶部發銀六千兩屢經折減膏火僅存至是桂芬奏加額二十  
名請按庫平實銀發給

詔從之三年充

實錄館正總裁四年四月編修何金壽奏雨澤愆期請

訓責樞臣

諭交部嚴加議處桂芬坐革職

特旨改爲革職留任五月充翰林院掌院學士五年開復革職處  
分三月恭題

穆宗毅皇帝

孝哲毅皇后神主

賞加太子太保銜十月御史文鏞奏劾順天候補通判王堃石賡  
臣知縣蔣嘉泉等劣蹟

命桂芬查辦覆奏順天本無通判員缺嗣後不得以通判分順天  
候補請著爲令尤之七年正月以疾終年六十有四

贈太子太傅諡文定

列傳

國史

桑春榮字相儕宛平人祖籍浙江山陰父錦堂爲河南睢州吏目有隱德宦歸傾貲贖族黨負償者輒燔其券貧如故游京師家焉春榮道光二年舉人十二年進士改翰林院庶吉士十三年散館授編修二十二年補河南南道監察御史掌四川道監察御史簡放雲南臨安府知府丙午丁未間值漢回互釁時林文忠則徐方總督雲貴所在虛衷諮度鎮撫得宜事平調補雲南府尋以卓異擢迤南道咸豐元年兼署鹽法道督辦官錢局糜廢不舉商民便之三年授貴州按察使四年遷雲南布政使綜稽吏事黜陟以公次年升巡撫兼署雲貴總督督辦雲南軍務時滇匪猖獗羽檄交馳寢以援絕餉窮賊氛近逼省垣十閱月春榮從容坐鎮以忠義激士卒誓勿去人心益固卒全其城自以曠日墮功貽誤全局陳劾

奉

自來京候簡九年補內閣學士兼禮部侍郎銜十月督辦順天直隸團練所至撫慰百姓令兵弁不得居城邑民以安堵畿輔軍聲益振事定還朝同治元年署兵部右侍郎五年授刑部右侍郎賜紫禁城騎馬十年兼署戶部左侍郎十一年升都察院左都御史旋擢刑部尚書十二年充

經筵講官先是辛丑會試充同考官至同治四年暨光緒二年兩充會試副考官得人稱盛光緒五年以老病乞休

許之春榮長刑部十餘年案牘繁重手自勘定日昃不遑越大寒暑必單車入署無少間平反大獄務持情法之平不動聲色綱紀秩然老吏毋敢欺年踰耆耄強識靡遺援引律例言之鑿鑿同官皆翕服凡所矜恤獄囚施冬衣夏藥悉捐俸倡之嘗誦歐陽求其



生不得之語以誠係屬謂獄者天下之大命不得其平中已負疚何以董理庶獄故遇事持大體不爲赫赫名亦不說衆同異每奉派查辦磨勘事務力求實際懲飭法如於雲南謝煥章覆試復其舉人亦一事也八年壬午重赴鹿鳴宴

賞加太子少保銜是科孫富亦中式藝林榮之其年十一月卒遺疏入

上震悼賜祭葬諡曰文恪生平公廉自矢常推己以利物任雲南府時倉庾久虛歲捐廉萬金實之或曰何不積帑弗顧宅日總制雲貴會運道絕發倉食士卒殺將盡而餉至矣人服其先見構鹽法道時本任道督兵赴黔計一年之久凡道署所入悉歸其家上官諭止之則云彼出以公例不得取耳督辦團防暨諸差務輿馬所資皆自備不取諸有司奉身澹泊迄老無一嗜欲公暇惟覽書

史自娛而已身後無長物門庭肅然子孫恂恂若寒素京師言家  
法者必歸之子三長燧刑部員外郎次彬分省補用知府炳兵部  
主事燧炳先卒孫安廕通判齊舉人棗縣學生賞主事實員外郎

賞郎中

桑文恪  
公家傳

蔡兆極字子京大興人少穎悟喜讀書年十七流寇破都城有繫  
其父兄刑逼取資者匍匐號泣請以身代賊爲感動父兄得釋

國朝順治戊子舉人歷涑水縣教諭陞山西岳陽令

大興  
張志

紀汝彝

文安人一統

志

由貢生任順天經歷江甯通判以文行自勵廉介自

持

文安  
楊志

母病篤適身亦病猶手掬便液嘗之

畿輔唐  
志八十

七十喪父哀

泣如嬰兒

一統  
志

撫從飲食教誨終身無間康熙四年祀鄉賢

楊志  
采訪

冊劉祚永寶坻人

畿輔唐  
志八十

邑庠生生母早卒事繼母一如所生母

病日宛轉牀褥前達旦不寐母歿思慕不已於墓旁蓋一茅舍朝

夕上食如生時泣拜極哀行路人無不傷感康熙二十二年

旌表其曾孫遠亦以孝名人謂孝子之後恆生孝子云

賈坻洪志

李中

倫大興人有劫賊數十人昏夜入室執父廣生拷逼財物中倫聞父難手無寸鐵奮身奔救與賊格鬪偏體受傷即日殞命雍正二

年

旌表

畿輔唐志八十

邢雲霑文安生員生甫五歲父所懷遠遊漢中霑奉

母李氏課學入泮迨母卽世而父訃亦至雲霑大恸曰生不能養死不能葬何以爲人遂不謀於婦獨往迎之比到漢中父歛已久開棺視之破中指滴血入骨以驗真偽觀者無不泣下送負骸骨徒步行數千里歸家合葬鄉人稱之

文安楊志

邊溥昌平州人年十九

母值產難危急溥哀慟顛天願以身代且許飲蓴血數升天仙祠

去城五十里時值天雨五步一拜往禱母遂獲安年八十有三卒

雍正十年

旌表

義輔唐志八十一

李廣發密雲人父寬隸營伍陣亡母高氏性卞急每

盛怒輒長跪母色和始起母疾禱於神願減算益母壽適弟廣富

封己肉五寸許雜藥餌進母尋愈廣發遂茹蔬終其身密雲志康套

大城人初爲傭以美食奉母後爲丐每乞所得必先供母乞少則

自枵腹遇歲大飢竟以餓死

采訪冊

王大武清人家貧歲歉父病方

瘵思肉食而不得形於慨歎大心不安割右股肉以食其父乾隆

五年正月初九日事也縣令給粟以旌其孝

武清志

任璽文安人歲

貢生繼母馬氏遇之虐璽誠孝感動母卒悔悟遂母爲慈母璽爲

孝子

畿輔志八十一

芮嘉瓚寶坻人業儒天性純篤父歿號痛欲絕廬墓

於縣東門外祖塋側茹荼飯藜骨立如柴鄉黨族人勸之歸皆不

聽後以母命召乃還然每念及輒趨墓所長跪而泣邑令旌焉

寶坻

洪志楊玉大城農民也少喪父年十三祖母病篤玉禱於廟神願以

身代回至姚家渡橋自擲身水中家人聞信奔救而玉從他道得

歸云在水中似有負之出者祖母病亦霍然采訪冊邊樹蕃涿州人

邊劍之孫劍歿於錦州其子早卒未能撥柩樹蕃十五歲其母得

氣逆證醫藥不效蕃封股以進其母得愈後往錦州迎其祖柩還

葬於舊圩母年八十六歲卒涿州續志王文輝通州人荷擔爲業奉母

至孝凡遇時物輒市歸以供甘旨早出暮必返恐貽母倚閭愛母

疾嘗冀復封股以進州牧李以匾獎焉通州高志順怡朝則有乙酉舉

人王公擢戊子舉人魏繼雲鴻臚寺卿李舍春畿輔唐志寶坻庠生

芮維新寶坻洪志固安宋印奇固安陳志保定劉潭焦壽保定成志大城李汝華

大城張志王慎德采訪冊涿州馮廷業涿州吳志密雲生員張鎮密雲丁志康熙朝

則有文安邢澄畿輔唐志涿州陳鉉一統志保定劉餘澤貢生岳毓粹

文安劉新第庠生王國華

畿輔唐志八十

三河增生田沂張鴻勳武生劉

建啟

三河陳志

霸州崔士瞻

畿輔唐志八十

東安邵豫新劉籍

東安李志成

甯河太學

生杜恭齊增生崔體忠

甯河關志

大城蘭從哲

大城張志

王照乘

采訪冊固

安李九祥楊直政

固安陳志

涿州王璽

涿州吳志

通州劉正廉張士堞劉正

忠馬呈瑞范璋徐文翰劉聖馬成龍馬國武羅錦陶淑陳可嘉魏

思明

通州高志

武清州同王光祖

武清蔡志

雍正朝則有涿州貢生趙植

唐志

拔貢趙清忠解潤高國棟與其妻王氏太學生馮焯楊琛生

員楊珉劉光彝胡連貢生陳正心與其子監生秉信歲貢生邁通

涿州吳志

通州諸生雷應禹

畿輔唐志八十

貢生劉召望王永爵

之俊

武清蔡志

昌平屯震

昌平宋志

東安張仲金梁問孟

東安李志成

薊州趙鎮

沈志

甯河張以智

甯河丁志

保定宋一貫何鈞柴游

保定成志

固安隋宗印

孫延增

同安陳志

乾隆朝則有通州庠生陳體乾

通州高志

涿州張蕃史澤

遠涿州志武清汪懿瀾武清志保定劉舉柴葵胡清王威保定志固安李

思聰張進寶固安志薊州增廣生侯寶祿貢生黃九錫舉人王純薊州志

志昌平志張奇昌平志甯河邵聯榜于際盛州同馬自誠州同崔文麟

貢生馬煥常懷禮甯河志大城拔貢鄧日堦案鄧日堦夫婦雙孝王

夢熊田錫華孫冠賢任奎英大城采訪張企生守備劉林大城志昌平

李某劉殿培采訪嘉慶朝則有保定王敏學保定志涿州吳國棟涿州志

吳昌平張某吳繼述采訪固安侯盡善固安志昌平鄭文學昌平志道

光朝則有密雲貢生任毓麒密雲志通州總兵林雲漢太學生李遇

春貢生李如瑾通州志涿州庠生楊毓文與其妻曹氏貢生王志勤

譚陞涿州志昌平李慶昇韓銳采訪咸豐朝則有通州通判劉淑王

銘姚存信劉之權通州志永清張玉永清志昌平康泰來張大中孟玉

聲采訪涿州李馨遠涿州志同治朝則有永清劉連柱永清志密雲歲

冊涿州志

貢生趙承烈王國令彭德元蘇志平谷孟玉聲平谷志皆以孝行稱  
采訪冊

華陽吳祖椿校